

詩教堂集



教

詩之名始見虞書詩言志之旨亦卽見虞書孔子刪詩

傳諸子夏子夏之小序誠不免漢儒之附益其大序一

篇出自聖門之授受反覆申明仍不出言志之意則詩

之本義可知矣故後來沿作千變萬化而終以人品心

術爲根柢人品高則詩格高心術正則詩體正陶詩無

瑣琢之工亦無巧麗之句而論者謂如絳雲在霄舒卷

自如李杜齊名後人不敢置優劣而忠愛悱惻溫柔敦

厚醉心於杜者究多豈非人品心術之不同歟嘉慶丙

辰余典會試得武陵趙子慎畛嘗自言幼而孤露賴舅

氏王君孝承以教之因以王君往來訓誨之書札裝潢

成卷乞余題跋余爲之持論嚴正慮事深遠而委婉提

撕委曲周至若唯恐趙子立志立身之不定又恐趙子

徒知立志立身而乖僻不達世務者粹然儒者之言與

矜心作意騫名講學者迥異因爲附識其卷末趙子以

余能知王君復以所著詩教堂集乞余爲序集凡六卷

曰研農草曰郵籤集曰閩海二集曰庫篷獨倡集曰松

濤園草曰南陔書屋鈔曰夫江草而附以詩餘蓋暮年

精自沙汰之本故其中可傳者多其間清空縹緲之詞

沉博絕麗之作亦有觸景寄懷溢爲奇崛之氣者而自

標全集之名則統謂之詩教夫兩漢以後百氏爭鳴多

不知詩之有教亦多不知詩可立教故晉宋岐而元談

詩學堂詩集序

一

天懷尚

岐而山水此教外別傳者也大抵與教無裨亦無所損齊梁以下變而綺麗遂多綺羅脂粉之篇濫觴於玉臺新詠而弊極於香奩集風流相尚詩教之決裂久矣有宋諸儒起而矯之於是文章正宗作於前濂洛風雅起於後借詠歌以談道學固不失無邪之宗旨然不言人事而言天性與理固無所礙而於興觀羣怨發乎情止乎禮義者則又同床各夢矣王君之詩不爲巉巖陡絕之論亦不爲奇怪惶惑之態而和平溫厚能不失聖人立教之遺意其斯爲人品高則詩格高心術正則詩體正歟惜余未挹其風采末由一論詩教也嘉慶癸亥四月四日河間紀昀撰時年八十

原敘

歲癸未夏五武陵朱梅聖明府來聞補官假館會城僕故與明府善聞其偕王君南陔來明府固當世碩儒其與游必特達而相爲臭味者心甚異之旣造謁見南陔於邸醴粹藹然接席間如舊相識遂訂交焉由是往來三山必過寒家陶舫從容譚藝而南陔天資旣高銳於學力凡所稱論必宗仰先民一一表於典則所爲詩近體明秀葱蒨寄託遙深五七古鑿刻生新卓犖雄偉其無纖塵溷其筆端可知蓋南陔爲人臨財廉與友信光明磊落之度纏緜愷惻之情見諸詩譔固其天性然也懿惟我

詩教堂詩集序

一

朝提挈天綱振與文教蔚爲風雅之盛故自梅村芝麓輩倡以先聲而西河愚山堯峰漫堂暨諸時賢咸能雄長其鄉至於總持文柄爲南北二大主盟則漁洋竹垞尤爲天下士所宗仰顧二先生耑集具在懿鑠隆茂中天資學力似亦各有所由愛好貪多雖曰戲語而二先生得力之處當亦近之今南陔旣多師爲師而辦香所獻自謂不得近舍二宗而二宗又不得有所軒輕誠以學識兼綜粹然澤於道德而相得益彰斯爲不易之論也南陔家本錢唐聞其尊甫西厓先生品行文藝爲時推重則名父之子自有家風而又有鄉先生如明府者資其考鏡用是以往不懈而及於古且三榜在卽凌玉

清翔紫霄和聲鳴盛若

昭代諸前輩尤所應有余鄉黃莘田先生爲閩南耆舊
既稱其篇章歎爲後來之秀而明府又有大冶長轡之
評南陔近作既有然矣僕又何庸仍譽目前而遺其後
日耶南陔來閩前後方三載以應舉欲歸楚與僕有兄
弟之好旣不忝餞以長句復申其說爲序他日把晤卽
以此爲息壤之券可也時

乾隆乙酉季夏朔日晉安林擎天拜識

詩教堂詩集序

二

詩教堂詩集

古今之文人能大其學力多其著述者非其受性果皆淵博也其命通者早致清秘得以館課朝章校勘督責而充拓之其宦游四方者得多與博雅專壹之士唱酬啟發急則計生益得奇趣於是紙墨遂多又有同志者審于決擇故其存集自有可傳文詞詩賦豈不得其幸哉予生而埋照於學塾卽偶有遠游適爲旅况之作何從而見一新典遇一大章自己丑後戢羽家門日惟談皮毛之經義便可了事同學數人肯講究者漸亦存沒各殊亦本鮮瑰奇新雅題目以發其氣拈花弄草數見不鮮而嘆老嗟卑又鄙懷所不屑道故卽以詩學存者亦眇乎小耳乃吾遵路大甥竟能爲我掇拾而抄存之存之何意也將欲以此傳余耶士君子不能立不朽之名卽卷軸琳琅仍供覆瓿况此淺淺叢稿無論未必專行也卽附選家存其若干篇而以押角書名曰王敬禧遂足以榮我而傳我乎雖然吾甥愛我之意則賢於予子多矣乾隆五十八年新秋九日春野間夫病中率爾書

卷之一

研農草古今體詩二十七首

郵籤集古今體詩六十四首

卷之二

聞海二集古今體詩五十三首

庫篷獨倡集古今體詩四十七首

卷之三

松濤園草二十二首

南陔書屋鈔古今體詩八十二首

卷之四

南陔書屋鈔古今體詩七十九首

卷之五

南陔書屋鈔古今體詩四十八首

夫江草六十七首

卷之六

詩教堂詩集

總目

二

南陔書屋鈔古今體詩七十三首

南陔書屋鈔古今體詩四十八首

南陔書屋鈔古今體詩四十八首

卷之五

南陔書屋鈔古今體詩七十三首

卷之四

南陔書屋鈔古今體詩八十二首

南陔書屋鈔古今體詩二十二首

卷之三

南陔書屋鈔古今體詩四十五首

南陔書屋鈔古今體詩五十三首

詩教堂詩集卷一

武陵王敬禧

研農草

對月

半壁影浮天清光又度年
凍虛晴雪水寒覆隔村烟
今夕夢何處平生信自憐
迢迢雲脚遠底事對嬋娟

送丁日峰先生歸衡陽二首

錄一

折柳橋頭畧約煙離情直逐米家船
青氈我固慚長袂紅藥君應愛碧巖
雪覆池閒裏句茶鐙伴榻醉中禪
相將此後情何似湘燕差池掠遠天

題畫二首

詩教堂詩集卷一

一

疎林低葢野人家粧點秋容未足誇
為想高風聊比擬山根無際水無涯

樹枕山根屋枕溪野人相得自相依
門前喬木多餘蔭應好寒鴉作暮棲

晚發

山外落霞多秋風送櫂歌布帆千里意
竹艇五湖窩暮景紫紅蓼離情黯翠蘿
令人差好處皓月在澄波

秋夜

斗柄闌干夜色幽天街如水露華稠
冰壺寶滿光初滴金掌珠圓氣正浮
宋玉有情空作賦元規多興只登樓
豐城何許神龍卧堪羨張雷着意求



漫成二首

柳條絲弱不勝愁，春雨春風送去舟。
盡日任閒金屈戌，黃昏燕子亦歸樓。

芳塵凝榭度春寒，中酒沾餘整籜冠。
正料海棠初放蕊，亦知花瓣落闌干。

聽黃鸝詞五首 錄三

春衫不愛杏花文，紗閒却簾鉤。
影自斜，睨晚忽傳天正午。
乍醒如喚試新茶。

萬綠叢中語自流，可憐情喚最高樓。
分明字字留春意，漫說佳人字莫愁。

暖香清夢近如何，新柳鱗鱗菴綠波。
敲斷玉釵春寂寞，聲聲疑是懊懣歌。

詩教堂詩集卷一 二

廬山行贈劉秋圃

白雲不隱廬山高，舍真藏古神寥蕭。
先生長嘯下崕谷，霏微雲氣香方袍。
山鬼不啼劍花紫，筇杖瘦瓢落都市。
眼底三山舊閱塵，袖中五岳真形紙。
蒼龍吸墨無水文，雲垂海立鷺紛紜。
粉筆可活孔北海，綵絲誰繡平原君。
滿堂絲竹詫古調，明月無聲萬山峭。
城內朝朝白酒昂，山中夜夜清猿噉。
廬山秀甲香鑪峰，屏風九曲蟠游龍。
金花玉蕊自春色，青泉白石容秋空。
我欲手攀南斗看雲穴，君家無乃主人翁。

久雨霽得明月

風停夜寂寥涼月落前席水氣接虛池霏微天逾碧遐
光靜心機空青杳人迹蕭然立廣除疎雨墜高柏

題畫蘭

疑是仙人萼綠華曉來新過紫鸞車雲香霧馥不知處
盡託傳神在蕙花

新露沾桐石几寬曉多佳思任盤桓擬將一段幽閒趣
傳出林間鳳尾蘭

剡藤如玉墨如雲綿渺蘭香澹處聞清味欲傳堪一笑
竹床揮出素心君

秋來風味問紅蘭瀟灑情緣畫裡看欲助扶踈更調墨
湘江新得碧琅玕

詩教堂詩集卷一 三

又題五絕四首

新水研隄麋紙性澁而潤信筆寫蘭花何人欲簪鬢
寫蘭不在肖惟傳君子神尋香香何處辨色色非真
花葉豈在多傳神在無筆願得素心人相賞於無迹
筆瘦以生骨墨濃以取肉何用識真蘭花香葉苗綠

觀衡嶽圖歌

生綃數尺丹青照衡嶽雲開萬山峭削出七十二芙蓉
乖龍攫挐山鬼笑神遊目怵膽氣張開宕心胸細憑眺
嗟峨嶽翠相連延隱伏迷離尋峽道祝融高迎望日臺
海門應知日華跳崇連軫宿星光芒東折响嘍勢如鷁
靈光尤鎮大禹文依稀似見元衣貌紫蓋石罔秀可餐

眞形疑未如斯肖飛翔迴雁思扶搖削劣崩頽環上抱
羣峰迢遞難細微雲煙隱顯窮杳窳檐牙屋角見參差
齒列鱗鱗若山廟寶露壇空月館迷玉室金堂徒絢耀
飛泉落落樹茸茸頑石巉岩如虎豹偶然噓氣天風開
僊人畧約憑松嘯陣雲忽過山色沈性定方知圖畫妙
良哉畫史伊何人盤礴經營若斯巧我聞禹疆驅巨鰲
四極旣峙岷崑奧聳特五嶽鎮寰中二萬六千俱孔竅
維茲衡嶽配離宮寥廓崢嶸壓南徼糾繞瀟湘七百里
九面神功變山嶠今朝俯仰入此圖大觀蒼滂失狂叫
胸中更益邱壑情目下若掬雲烟到他年若遂五嶽遊
無用斯圖作南導

詩教堂詩集卷一

四

題畫二首

溪樹蒼黃野水浮北鴻新見蓼花洲酒船初泊日初落
茅屋有聲山欲秋

灘沙如雪水如煙秋到湖中見碧天此際玉鱸應正美
浪花濯濯下漁船

齋中步月四首

錄二

芙蓉茶熟雀香殘風靜檐虛度暮寒料得闈中小兒女
也憑牕口帶愁看

玉照軒南小檻西幾株疎柳帶鴉棲秋思不識人多少
四碧寥天月一珪

朱氏江樓雪望

清思不可限瀟洒一憑闌河水澄船側人家出雪端岬
深疎樹澹天遠幾村寒欲共羊裘客蘆中理釣竿

郵籤集

別意

春草惜新碧王孫竟遠征非無萬里志何限北堂情菽
水晨餐薄舟車夕夢縈東臯雖瘠壤羨爾得躬耕

夜雨渡湘江

雲水不可極湘江一棹尋如何蓬背雨竟夕起鄉心子
戍層陰隔漁鐙小泊深離家方幾日偏解越人吟

舟次長沙二首

洞庭波色接瀟湘挂席西來興激昂萬里層陰舍夕照
一江春浪動危檣郊原地闕秦時郡蘭芷人攀楚國芳
饒有煙花難縱目離心都向白雲長

南服潭州擅盛名靈區形勝制荆衡帆分嶽色隨湘轉
天繫星精入軫明重有文章留異代舊知屏翰屬專城
謁來幾度虛登覽倚棹誰知更遠征

奉和梅翁先生長沙書懷元韻

檢點郵籤記水程仙舟何幸此南行晴江玉塵談兼永
官舫銀鐙酒漫傾敢藉使君憐小阮共看經術奏鴻名

先生作有紀羣交爲同舟遙遙聞海星光引暫爾淹留

薦沈范思從入座傾句

興致縈

觀沈心齋維基明府良巖雅集圖遂次卷中元

韻

丹壁俯江開高唵會一臺羽觴飛水曲芝蓋入雲隈南
國游新得西園客盡來只今圖畫裏粉墨雜莓苔

舟行望昭山次韻

昭山遠當案久永登山心緩棹潭外來極目窺高深銅
青壓峰頂鐵色皴巖陰夕陽明山椒矮屋曲折尋湘淵
本無底水經注山下有旋泉深不可測故言昭潭無底也山勢一以臨何當理

雙屐攀躋叩雲林

月夜泊朱洲聽度曲感賦三首

煙暝急羈雌清謔正起遲湘江不流處山月乍明時遠
道寒芳草逢場和竹枝獨憐聲半咽哀怨爾何爲

詩教堂詩集卷一 六

圓靈兼水淨孤籟入遙青楊柳驛亭綠蘭蓀江岫馨隔
叢窺素月含意叩虛舫莫遣湘君解冥冥霧雨經
入破難爲聽瀟湘一夜深蒼茫雲水裡應動楚妃吟此
夕聞珠串當時佩玉音西軒容小立寂寂月華侵

笛車

萬事戒機心機心事疲劇緬茲農人勤終歲惟力穡上
田弃畝耕呂覽云上田弃畝下田弃畝恒苦源水隔抱甕旣云勞决
渠願難卽斫竹製連筍巧乃班輪亦旋若車輪團轉類
渾儀激日夜常挈壺起伏不停迹河懸建瓴來盆翻滿
筓澹挹此南河南注彼北山北至理寓灌輸天功貪竟
得載咏伐檀篇胡取禾三百

浚口

湘南水木總清華，百里湖山此最佳。聞說市樓多美醞，
醉來那計接離斜。

澗水芳流碧玉灣，丹巖疊疊擁煙曩。夕陽樓上簾旌啟，
獨凭危闌亦愛山。

湘東

野戍依山阻觀風，入豫章川塗延客思。吳楚舊同鄉覓，
水筒車碧厨煙石炭黃。微波好將意滴滴，下清湘。

上垵

行舟樂安流出門，占利涉夫何東南來。道阻屢相接，農
人貪天功灌輸。龔成法疊疊石梁圍鑿鑿，水壘狹雷硤。

詩教堂詩集卷一

七

壅濟飀風發，騁迨逕橫阻。青竹枝直瀉，白乳汁遂令長。
河源竟爾衣帶挾，其中顧容刀無乃。溯巫峽，長年老解
事停檝，幾懼懾籊籊竹篙堅。盤盤長緯緝，厲勇一以登。
健與水交立，或正而扼喉，或輔而拄頰。後勁或懸，撞偏
陟或袒，胛毗裂氣未衰，臂攘仍幾怯。但懼應接遲，遑鬪
更番捷。移時上平江，束縛尤拉雜。喘息聲諒徐，精力衆
應乏。乃知舟子勞習坎，等拾級連筒傾天漿。南畝快吐
納如掌，對青疇農牧嬉。且狎春及母，太康觀我憚人什。

萍鄉

客路皆萍迹，何須問楚江。雲山迴遠目，水石瀉高瀧。驛
訊川塗合，邛酤主客降。卸裝支枕處，鐙影故幢幢。

袁州道中雜詩四首

柳影長橋瀉魚鱗瓦舍多市喧宜近利溪淺不容波卽
此尋源近相將步履過小槽看酒滴一慰美人醅
宜春古封邑清絕此經過碧樹逢邨合青山繞郭多鷓
鴒吟自好山斗祀如何惆悵唐賢遠臨風發浩歌
三月西村好青畦娛老農秧針延水秀麥壟帶雲重日
氣薰朝飯灘聲急夜春茅檐聚清景時復憶過從
柔榜秀江邊輕寒滯薄綿煙郊黃犢雨春漲白鷗天中
酒酬賢聖題襟蕙荃舵樓延佇處高詠五游篇

鈴岡書院感賦

嚴相於茲手一編青氈徒發後人憐曾誇鍾乳三千兩
不憶鈴山二十年楊沈彈訶心正苦君臣契合老猶堅
宋時講舍明時大衰廢而今實惘然

豐城阻風觀劇後有作四首

劍花飛去古城空暮雨瀟瀟帶短篷聽徧吳娘舊時曲
三朝多謝石尤風
金花莫擬孟家蟬璧月瓊枝色色鮮艇子不來風浪惡
料應輸却個儂憐
帽影勾留虛幌月髻絲飄颺落花風當筵更遣玲瓏唱
酒盞鐙缸盡惱公
極目煙波賦采蕭文鱗力弱怯春潮誰知金縷歌闌處
芳夢無痕又寂寥

三月晦日過三江口和梅翁春字韻與亦垞同
賦二首

澤國陰晴未放春，波新漲碧潏潏。杯無婪尾酬青帝，
客有遨頭訪白蘋。千里關河經濶略，九旬花鳥去逡巡。
憑君且就江干醉，芳草還堪作錦裀。
庫篷狹月尚因循，歷歷湖煙好問津。道遠那堪岐路惑，
年芳尤覺客途親。鷗鷺結侶迴沙嶼，臺榭誰家對水濱。
饒有垂楊披拂意，柔枝遙送武陵春。

訪玉茗堂遺迹感賦

寂莫臨川叟，風流玉茗花。文章留節概，詞賦發雲霞。碧
蘚埋謔扇，青山失故家。到來增緬望，莫漫按紅牙。

詩教堂詩集卷一 九

潮音洞

石路廻松杉，寥蕭露清景。循彼白版扉，叩此丹巖境。鼉
屬一軀微，彳孒雙趺梗。窈然邃宇開，神工竭馳騁。地負
勢欲傾，雲頽色方暝。石骨咸支撐，山根見剛耿。其間藏
精靈，光怪變俄頃。顛或鼇戴山，頭乃樹結癭。寒苦疑搖
肩，熱酷亦袒裨。豁牙笑正張，裂眦怒旋倅。眉低竟沈憂，
鼻息難睡醒。亦復菩提慈，誰若天魔靚。中乃具莊嚴，性
極普門靜。梵音海潮音，定力制羣警。是謂大神通，於茲
失頑獷。其右窮攀援，礪砢陰森併。媧石隕天關，歷落壓
山頂。有時因風旋欹仄，及肩頸苦竹春芭遲。暗泉微溜
冷，大塊多勞途避喧。得幽迴虛響，忽塔然空山發深省。

建昌晚發

芳緒頻於行役紛關河千里寄斜曛暮山半向雲中隱
野水時因渡口分衣袂酒痕銷繾綣林亭花氣襲氤氳
相將繡被殷勤處雙槳迢迢送鄂君

山架堂杉關

金堂合面寒雲出國對紫蕪黃蜀底

閩嶠初窺險雄關扼武功山巒盤內外閩人謂腹水脈

注西東北屋方音雜長楓古道通時清極南徼笳吹暮

吟風

尚垂通人獸四會散飛文鳴公山巒出與中

登詩話樓

清華水木湛朱闌最上乘中聚景寬詞客江山留玉屑

大夫風雅繼珠盤樓為周櫟園先生重建吟肩遠擁三千里容權

詩教堂詩集卷一 十

懸驚五百灘自石峽水行至困關七百餘里歷大小灘凡五百云到此無因起詩

思鄉心直接碧雲端

延平

樓閣倚垂虹人煙四會通溪流交郭外山勢出城中統

緒羣儒祖躋危南渡功鐔州登覽意興我宋賢風

梨花

鄴國武苑心山雪盤內

山深豈有鬱金堂合匝黎雲比國粧紫燕黃鸝渾未識

奇芬都上白衣裳

酬林六心香擎天三首

喬木瞻華閩名賢軼玉珂代延清德遠家有賜書多矩

獲仍先澤文章發雅歌只今池上鳳揚采正婆娑

麟角何難識清芬著世家天庭期挾藻宮研富銜華圖
史三冬飫詩歌九夏誇崢嶸高論處吾道屬雲霞
舊襲香名遠神交錦一端氣寧徵縞帶心久醉珠盤釋
屬酬新樂前綏抗古歡因君見高誼薄采楚江蘭

洪塘晚發

斜日落河橋煙波望轉遙山平青帶郭溪漲力勝潮故
國遷岐路鄉心託畫橈越臺仍未識回首重魂銷

訪淨慈禪院

亭午天氣佳出郭絕塵埃秋水潑方舟遵渚結遙想願
言尋廣場清心引歧仰石路細成拳松花大如掌游屐
入藤蘿飛鳥隨下上苾芻正忘禪粥鼓歇餘響肅客馨
春旗約言非外獎結屋竹萬竿倚檐樹十丈泉流堂下
周蘭鼓室中長卽此安精廬何事盼菰蔣雅志臨琴徽
風標理鶴警便爲道士裝亦足暢幽賞

秋夜聞哥三首

紅牙輕按紫檀槽歌闋秦王月影交最是分明情竭處
一雙么鳳刺桐梢

聽徹珠娘一斛珠汝南雞唱夜何如天河絡角風搖暮
正泛低聲宛轉餘

別後瀟湘夢未成吳娘音隔楚雲平從今欲擬閒情賦
願作雙吹白玉笙

西風二首

西風薄林至商意滿虛庭高樹半含雨踈櫺時透螢振
衣牽節候折蕙惜芳馨木葉黃昏下蕭蕭何處聽
關河勞夢寐誰遣夕中生月色不離地山寒盡入城籟
虛蛩答響秋老鴈無聲處處皆長道徒看白露盈

中秋二首

碧煙如縷滿庭浮海月全清玉宇秋顧兔有情遲北渚
夜烏何待繞南樓人當百越靈槎阻影入三湘翠被羞
莫問青天易悵悵高寒風露不勝愁
過從賓客鎮殷勤逸興良宵盡十分酒戶豈辭吞素月
談鋒直欲破重雲休牽別緒絲難理若信殊方路正紛
咫尺幔亭霞彩接招邀應羨武夷君

詩教堂詩集卷一

七

九日同亦垞登黃華山三首

風物厲蕭晨巖阿菊采新南雲踈候雁蠟屐寄閒身卽
次溪山興天涯禽向親憑高發清嘯應得躡離塵
一徑黃華道峻嶒上翠微長松當路立秋葉帶雲飛城
市環山麓茅茨隱佛扉登臨何限意青嶂遶斜暉
烟霄孤鶴下山色極青深相賞千秋迹眞成九日心朋
從剡酒瓊子舍眺雲林欲進秋花頌川塗惜滯淫

瓶菊二首

圓花璀璨發西風色相初窺曲室中霜後巖阿孤賞在
客邊尊酒素心同閒門舊迹栽三逕今雨瑤華寄一叢
振觸鄉園書訊杳橫琴應對鼓離鴻

半畝蒿萊處士家霜寒籬落未全遮別懷欲采珠盈把
對面眞成水一涯味慙道腴枝澹宕憐深人瘦葉欹斜
膽瓶消受維摩供清夢中宵莫燙嗟

寄吳丹巖二首

曲沼圍踈柳書堂面水開伊人結遙想尺素幾時裁舊
雨留湘渚涼風發楚臺仙源多勝賞應舉菊花杯
楚客碧雲期秋蘭繞建溪夢隨沅水遠月到幔亭低滌
研濡桐露攤書檢印泥瑤華重相寄千里鷓鴣啼

冬夜聽雨放歌

蕉林憔悴青鳳毛雨絲碎攪枯楊條中宵何人搥砧急
苦心直逐風低高寒爓夜吟饑鳴號山深樹密亡其巢
在物誰爲得意者陰陽歲晚如追迯囊有綠綺琴能泛
太古音斷紋蛇腹歷千載絃以瘦玉徽黃金摩挲良久
不成調難懺一切煩惱心破窗鐙影自散亂虛堂雨氣
留浸淫泣訴怨慕究何意聲聲不絕含層陰學書學劍
誠堪羞布衣諸生非虎頭襍破因人作遊客况當長夜
增離憂雨師無煩工逗遛願得一瀉銀河流石破自有
媧皇修會須滌盡百斛愁天君泰然吾何求

歲暮雜感八首

日夕集離憂懼場亦倦游雪深崎士履風隔酒人樓遠
目歸寧當藏身術未周層陰催歲晏生計愧鳧鷖
黃華山色近日與客相於位置宜邱壑行藏異卷舒歲

時荆楚臘風味武昌魚卽此雲嵐重何從駐役車
寒色滿平野長風振斷蓬人歸去舟遠日落蒼山空澹
壑幾相怨雲林思不窮商誦多古調一畝是誰宮
嶺外何曾暖寒凝古建州山風環岫逼地籟合城浮夜
火圍薪榼朝炊急籜蹂正憐無褐者難問酒人籜
雲谷當年跡心傾一瓣香堂元陳俎豆人幾鼓笙簧
擲慙無殖捺竽笑倚墻却思居士室塵滿讀書床
冰雪求虛牝青瓊永嘯誦交情貧士少病味客途多妙
緒輕擊悅神方洽薜蘿何須羨文鳳遠覓玉山禾
子舍無馨膳人家已采蕭萸村庭樹弱匱粥竈舩遙行
役逢貧賤關心近歲朝壯懷非瓠落直欲爲愁銷

詩教堂詩集卷一 十四

天末饑鳥過空山獨立心何方停雪久幾日凍雲深闌
澤家何補馮煖鉢未尋梅花有春萼亦復慰長吟

除夕書懷二首

故里三千外今宵共歲除盤花燈火合柏葉酒杯徐楚
俗矜然竹親心託倚閭團圞情話處多爲旅人歎
風雨交年急瓶花冷一燈在貧原是客逢節未同僧馬
齒窮愁長牛衣拊搗能無勞通夢寐山阻路峻嶒

詩教堂詩集卷二

武陵 王敬禧 孝承

閩海二集

古詩一章呈十研先生

髻歲事鉛槧結念懷先民正聲雜蚓鼃法物蕪荊榛探

奇得寶笈香草

先生齋名

詩騷陳鏗鉤幹大句瑰瑋羅

奇珍宛轉切情性屈宋清辭鄰是時屬遙想天際三山

雲因緣理行屨閩嶠游涉親通德鼓北海雒谷循東園

迺憲謁至人古貌參巢軒顏丹喫牀砂瞳碧鎔海銀金

石聲琅琅覺我睇與晤夏鼎備百物商芝茹千春篆籀

氣磅薄蘭莒色鮮新引瀛瓊壺奧拂拭清塵空賤子學

詩教堂詩集卷二 一

不殖誘掖凡屢申玄珠授雀銜健筆扛龍文金醴時微

醅興會全天鈞松枋道味腴竹素神方眞壽星丙丁見

寶籙靈威存奇齡太平瑞禾以式達尊

春初同采南亦垞游張氏園亭有作二首

獻節徵幽賞名園接辟疆簪隨佳日盍梅到曲阿香邱

壑邀餐勝林泉愜漱芳清華相湛處行徧讀書堂

勝地能攀客探游數闢奇峰青當戶出塔影入臺低屐

賦供三管茶甘試一旗秦中有明月清照見襟期

時張邨

州牧持服家居

陶舫卽事留別心香二首

高館盤桓洽素心舊家簪履接清吟華顛授几前型在

青眼邀尊式好深真意入棐行大嶼古香留墨品來禽

卽看金薤琳琅滿樸學風徽正易尋

樸學鹿原先生齋名

白版雙扉爲客開玉蘭花發洗春盃新季諾踐去年約
今兩人如舊雨來宅可牽船成信宿齋堪讀畫且追陪
明朝折却官橋柳驛路春風首重回

母壽日發福州述懷

寸草逢春遠自將征騶促駕道猶長捧觴心逐飛雲影
縫線慈存繞邨行半菽盤殮遲夕膳一天絲雨濕行裝
巢林媿爾烏棲好驛路迢迢正裏糧

渡峽江

卽烏龍江

渡口榕根石綴連峽江波濶散晴烟山形不靜全趨海

詩教堂詩集卷二

二

潮勢初來欲漲天邨識春風在流水慙容人意觸虛船
峭帆直指靈祠泊南去關津路正綿

對峽有隋歐陽祐祠

雨後過常思嶺

沈酣一夜如繩雨青山處處鳴奔泉村雞三號促我駕
衝泥踏破春郊烟雨脚斜風莽飄洒車如藕孔多天穿
全身屋漏不得出瑟縮宛擁吟詩肩山氣化雲雲滿川
峰螺透漏增鮮妍雨師供人作游目迅掃氛霧馭山顛
高寒蒼翠撲眉宇巖壑恍宿坳堂前遠村近壟細刻畫
方罨牙錯相夤緣一叢鞭犢背濕柳絲縷縷花娟娟
此間卜築富佳趣誰人置此二頃田安得一段好東絹

白描斯境樞龍眠

高車道中
不畏春寒愛看山車門風峭不會關晶簾水落前灘急
絮帽雲披遠岫斑月度半弓行地角晴無三日信天慳
雨中欹仄忻朝霽心跡真成一嚮閒
石磴縈紆路自平野人松竹遠廬清千章萬箇卽封邑
五斗三升誰遠營麥壘青纔難覆雉桃林紅徧未聞鴛
入山深處吾增愧料理情懷記驛程

莆陽雜詩

溪上青山遠近青桃花榆莢摠零星爲嫌攀折無楊柳
那得長條縮短亭

半間明暗杉皮屋一帶新陳麕眼籬莫向山翁問公事

詩教堂詩集卷二 三

祝雞鞭犢又何知

前山泉疊水淙淙修竹長松帶石砭好聽書聲遠相逗
一番花信過蓬牕

百株扶荔卽生涯兒女山庄趣自佳白髮逢春拋不得
紅羅猶製踏春鞋

丙舍豐碑碧染苔大書深刻作銘才道傍不少殘翁仲
華表何時怨鶴來

時有風花沾帽影輒輿聲嘖短長吟山家笋蕨午炊飯
無限雲山入客心

楓亭悵荔四首

紅牆一帶離支圍綠葉陰凝隱夕暉剛恐來遲却嫌蚤

丁香心性正微微

讀譜臨圖夢寐期
楓亭巡徧最柔枝
正如杜牧湖西路
金臂環留約後時

接葉交柯翠繖張
墻東深護宋家香
芳春漠漠樓簾遠
珍重春風十八孃

桂旗何處飛靈雨
翠羽當前憶好風
同是緣慳莫惆悵
去季今日映春紅

眺海

卽此環山內登臨
極廣洋氣蒸天遠
近潮上地伍昂白
鳥趨平島青驢攬
大荒揚舲誰壯往
略髮到樽桑

春寒風古詩

詩教堂詩集卷二 四

春寒風如刀
迺在炎方路
驅車凌晨來
盱衡莽迴互
海雲幻重山
岸沙壓高樹
蟹舍泊漁莊
隱顯時一遇
赤堠雨不膏
青麥穗微露
地瓜足御冬
當春抱蔓穫
夫犁妻携筐
織蒂皆拾貯
癡兒不解事
與塊喜頻悞
若斯瘠土民
凍餒永念慮
夫豈逋逃藪
奸滑乘馳驚
如何采風人動則怒
盤錯禮義本
衣食獸窮音
豈顧撫字循
民隱冥頑亦靈悟
蒿目感予心
牽帷幾延竚

萬安橋

我行泉南來
飛梁亘雄虹
云是蔡忠惠
公之遺蹟
襟帶炎海廻
天風蜿蜒
三千六百考
工尺貫輪
四十七派
滄溟通
闌楯戢
翬鴈齒齧
鼉風力足
扛蛟龍
朝潮夕汐相

撞春鼇背戴山山聳峰天吳海若故狂恣到此會見瑟
縮而鞠恭下有石磊砢斑剝含玲瓏水消沙漲蟪有宮
乃是夾岸編戶之殮饗女兒單衫不至鼐爬泥鑿取朝
飢充卽斯間左利具足賙鞠窮而况當時度土功萬里
平接搏桑東豈非衍亨南塗胎黃熊我來讀穹碑述義
辭無豐信知公惠彌謙冲利涉直視杠梁同方今向化
譯九重請聽橋上車鐸聲隆隆

泉州

鶯花吹徧刺桐城早晚潮聲接市聲錢雜龜龍工女數
螺雕鸚鵡作盤擎番諸飯熟留宵甑牡蠣墻欹遠曲閨
回首風烟寥廓處幾多斤鹵少春耕

詩教堂詩集卷二 五

湯頭亭溫泉

燭龍睨熟焚其髻火珠墮入黃泉潛誰鼓橐籥吹炎炎
魚眼湯沸薪猶添氣蒸珠跳循流占趾步不共陂塘淹
我久塵垢值所怵浴漏已具無帷幃燥濯手足心難厭
譬彼疴痛希鍼砭薰風浮徧千山巖朝夕得求貧家櫬
庖籠膾鯉人具瞻以釜甑爨何庸兼暘谷一脈藏箱奩
火爲水妃理不嫌陰陽爲炭取則廉滋潤仍足生葭菼
嗚呼若漢華清誰敢霑珉璫甃引成清嚴只今農子漚
犁鈴曷不一決洪鑪燼

遠山

遙岑寸碧引灣環水色天光杳靄間縹緲爲憐眉綠好

春陰多半在家山

閒庭

亂抽書帙鎮虛囂避暑誰家瀉凍膠
揔把閒庭種修竹南方無地不蔥蒨

題秋湖漁棹卷二首

水落蘆黃霽夕烟月光平接釣篷邊
便須放櫂中流去卧誦離騷廿五篇

泛宅浮家張志和愛憑風雨著青簑
何時雲水湖垓裏飯稻羹魚也作歌

七夕

濕雲片片流銀浦天機罷織絲千縷
絳河消息又經秋

詩教堂詩集卷二

六

烏鵲歸飛遽如許白榆青桂爭璀璨
小鳳軒車紫霞幔神光離合虛無間
增爾樓闌幾長歎誰家嬌女蘭蕙心
將持鈿合還沈吟本知用拙衆所迂
紅蠹網貴雙南金由來帝子誇天巧
龍梭永夜愁織綺何如瑤瑟感湘君
招手湘江拾香草

早秋夜坐

伏雨闌風鎮日中山泉近與海門通
晴蒸蜃氣迷金碧水滙龍堂結翳冢
鶴信幾時珠樹宿蜃歌連夜竹枝同
木棉林外秋潮濶珍重瑤華寄鞠窮

秋日郊行遂訪棲雲巖小憩

登山復臨水秋氣未知悲斷隴叢祠合
微波漲海期田

新禾再熟枝重橘初垂節物逢炎域何須問鴈遲
澀路愜尋幽禪龕竹樹周雲心歸午磬山力聳虛樓石
瀨通橋引村春築圃謀移時登攬意蒼荀正迎秋

九月十四夜偕林南嶼朱亦坨步月得寒字韻

同賦二首

月朶如環露冷盤九秋山縣自高寒人間良夜籬無菊
道遠西風澧有蘭海市魚蝦踈酒客衡門菘芥問園官
過從步履低佗處金鏡知同異地看

居然琪樹集鷓鸞寶籙焚香坐月看各有四愁誰繼繼
眞成三益且盤桓湘中鴻鴈何時過海上風潮昨夜寬
幸對清輝莫輕負他年應憶共憑闌

詩教堂詩集卷二 七

將去平和往福州雨中述懷兼簡南嶼三首

擁鼻誰爲半醉吟積陰千里滯春心瘴輕青草樓邊合
雨歇紅綿樹外深結習薰蟬難避俗鄉音占鵲數通忱
儘知芳候皆閒候看徧層雲隱碧岑

春風春雨揔翹銷更擬津亭贈柳條偏是客中饒二月

時閏幾曾柔下戀三宵摩挲樹石他季蹟拊擋葉書去

驛遙莫問榕城越歸客吟心先過合潮橋福州府志合潮橋俗名雙

拋橋與髮苗橋縱橫東西二潮吞吐繚繞若帶

零雨瀰朝鶴鶴鳴三季眞况倦談經日歸最羨還家客

爰發頻期舊驛亭春遠鹿場叢薺碧夢尋芸帙曉鐙青

會須索取蓮鬢白閩川各巖酣詠湖烟泝洞庭南嶼候官人卽家會城故

晨起

雨細慳養花春朝陰亦好盥罷支明牕列岫揖林杪雲
輕無定姿矚目互明宵峰峰芙蓉青轉若漾蘋溼浮沈
失山力有時翦然悄彌歎清遠翁憩情語能了睠懷冰
雪文避俗乏幽討于焉寄遐思清臚趁孤鳥

夜射詩

月脚倒垂夜將半弧弓枉矢星芒貫將軍酒兵酣夜戰
燭花百枝敞華宴六鈞柘弓大羽箭射的高張五花爛
長技寧獨穿柳條書生亦有猿臂善支左詘右勁氣加
霹靂一發陰氛旋僕姑金流火激電采鵠羽落雪交霰
有時約約隨星奔亦復剡注聯肉弗壺漏烟沈餓鴟叫
鼻端火雜鐙燿燦男兒身手本有餘拘牽終歲惟筆硯
然脂今夕興未央更須揮霍龍文騁奇變

詩教堂詩集卷二 八

同人邀訪西湖遂至宛在堂茶話得詩二首

負郭敞層湖烟薄奧區水晶無故域

西湖爲閩王延
翰水晶宮遺跡

詳十國
春秋

扶荔正垂榭雪映苗間鶴波輕曙外鳧霸圖金

粉歇登攬極平蕪

澹沲湖光吸都將翠作庵遠風交曲檻踈雨淨層嵐小
憩容吹酒香嚴欲隱龕石林幽意愜結夏願頻探

別亦坨

相於研席鎮三年未話臨岐意黯然名父早當文舉琴

稱兄端讓仲謀賢吟深風雨床皆對志在雲霞石自堅
遲爾鄉園尊酒約龜材誰擬着鞭先

林六心香以長章贈行賦此奉答

珊瑚照樹扶荔紅炎天楚客甘筠籠靈果相逢愛難割
盃簪况與精神通浪游閩海今三載竿木逢場顏色改
雲霞雅與素心期蘭芷於君青眼在榻來幾度榕城闈
醇醪之味久益親要須寤寐見肝鬲豈有締結希風塵
曰子欲買湘江棹贈我芳華辭甚妙老蒼未必藉文辭
對此逾深情奧突知君秋氣雄高文子亦躡蹻即省門
彈冠結綬固不易量以性分非夸言干鎮神光大冶合
雲龍精氣天倪襲蘭有秀兮菊有芳馨香寧埃同原隰
只今挂席行遲遲亦復增引川涂思閩都盤敦古所尚
傾倒惟君足我師

詩教堂詩集卷二 九

泊南臺江岸夜不能寐有懷亦坻明日抵白沙
因寄三首

臨岐不解淚縱橫如雨真從血性傾剛是束衣無力候
感君扶疾慰孤征

無諸城外波濤急振觸鄉心徹夕通官閣正須煩藥裹
帶人何礙石尤風

海色江聲擁寤思倚篷猶是候潮時鯉魚自會乘流上
願得常憑子午期

燕子巖

誰揚摩天斧細界千片雲片片作勢飛小歇溪之濱又
若裁陟釐長風吹紛紛其或葛媪戲亂摺蝴蝶裙憑高
無靜態擁簇各有羣千丈時一落凝睇翻水紋危構乘
巖居空龕走颺颺鐘磬有時作正似天半聞苦行老頭
陀晨昏事爐薰謂非死灰心虛響未可分山人儕猿狖
仿佛懸臂耘山寒氣候遲野燒薪榆粉我行南河久順昌
謂下至南河水宿煩寃殿到此心轉悸靈怪蟠氤氳奇
巒互波濤高下張腩齧曷由清羈魂矯首遲斜曛

晚霽後有作

清風瀟瀟山雨歇沙路無塵槩牙滑遙村雨脚正飄颻
半擘簾旌半鉤揭霎時澄霽山青蒼雲光迢逡翻夕陽

詩教堂詩集卷二

十

溪女握粟數雞鶩牧子吹竹歸牛羊長松俯巖泉縱壑
散誕披襟還濯足醯鷄跛鼈鎮悠悠霞外遲他友黃鶴

黃溪小泊

石隙晴雲縷篆烟巖阿懸瀑盪寒泉應知箬帽屨鞋老
鎮日溪山結淨緣

酒口阻水三日水溢濟漲風雨不輟倚枕湯成
長句

水勢未至聲先號倏忽平地驅洪濤高原遠岫盡烟障
蛟涎龍氣蟠腥臊風雨迨逕騁奔放大波盡力吞礪磽
而我庫篷任飄撼牂柯繫纜唯堅牢簸揚顛頓忘日夕
正思一縱隨流漂胃翻鬪懣不欲食稜漏拍拍篷忒敲

建旣直下雄且駛殊異一芥依堂坳竹箭飛湍已三日
雨師河伯同宣驕濟厖不慮溪壑破吞蝕豈顧舟楫塵
微生僅仗寸版寄蹙得偃仰云安巢鳴呼隻身遠游何
所要執鞭求富未足嘲筆札因人覓升斗夏畦寧甚趨
承勞壯哉雀鼠有餘食臣飢誰與分釐豪研田耕穫尚
乃爾科名詎謂顏髭搯槐花消息久迢逗暑中孤懼歸
迢迢灘溇水洵石槃布周折石罅撐輕舸一上正復三
卻蹟與爲勁敵憑強篙咆哮澎湃日相習性靈汨沒神
情銷更將一葉狎鴻浪故都亭堠猶蒼遙嗚呼丈夫讀
書貴致君明廷和氣希囊臯不然踰伏守邱壟長林豐
草容游遨胡爲羈窮履虎尾賤軀無乃齊鴻毛

詩教堂詩集卷二 十一

六月廿四日卻武山行過龍鬪破石諸處

笠帽覆兩耳觸熱昇竹籃屨骨支炎歊延緣陟層嶂行
行不容趾宛若來左擔俯瞰杳澄碧藤蓐垂淵潭比昨
水大上河沙擁空嶺徑峭浮埃深往往迷所探跬步一
或失隕越顧可甘夏氣正大壯焦原鮮樂耽我豈謝公
展畏景增顏慙水宿悸心魂方期離憂悵咫尺足躑澀
川陸同頑慙小住惘心目何解貪夫貪

建昌城望麻姑山

海水不颺塵桃花未栽樹日把靈笈文神仙渺何處城
頭姑射山亦復與之遇云有窈窕人明粧澹風露瑤草
帶烟耕琅花爲風護游戲周五城颯颯鸞皇翥有時敞

行厨招邀滿霞路長爪覆瓊觴奇齡正嬌孺高壇顯氣
清洞壑映媵媵琳琅魯公書金薤文螭布仙骨公所兼
大藥飛騰具遺蹟寶銀鈎永與靈區助早歲讀仙經縹
緲壺嶠慕抗想未可希塵空苦蟠護神鄉凌素秋勝賞
情難駐帆高青草遙五里霏香霧

麻姑酒

微酸金醴未堪稱一笑輸他白玉京唯有麻姑眞解事
香泉珍醞餉方平

玉盃從容瀉嫩黃何須牽率貰餘杭應知粒粒珠圓米
釀饔傍邊指爪長

庫篷獨倡集

詩教堂詩集卷二 十一

望桃源後洞二首

綿濛林藿抱山斜山上秦人舊有家版籍何須拘魏晉
神仙端合愛桑麻巖扃清闕誰探鑰桃樹芳穠正作花
知有層樓鎖深處避喧應厭世人誇

尋源願結十年前津逮靈區亦惘然石髓未餐仍俗客
雲林無地學頑仙刀圭漫博三升酒卿相何如二頃田
應被漁郎笑行役沿溪紅樹不停船

夷望山

紺螺交兩髻孤影峙中流畫意誰能擬圖經正可求
夷望山名見水經注俗綠洄三月水青放五溪眸川路幽深

處眞堪對竹樓

過青浪灘

昨年一葉建河裝白勃灘頭幾恐惶畢竟勞人休不得
又團驚魄過青浪

溪行春眺

春山如香奩百卉在所攬金翠自零星脂粉交暎掩清
溪碧半篙鏡光明澹淡宛然媚嬾人靚粧親點檢晨曦
照未融遠黛嵐初歛木末八九家架構隨巖广桃花燒
欲然柳葉汁堪染剪刻勞天工憑矜亦何敢索居無獨
謠行春會心感天和卽此知陰陽各舒慘

山女

山女無完襦長鑱白木柄筠籠在背兒在懷采蕨那辭

詩教堂詩集卷二 三

山土硬山巔蕨根小於鼈暮歸水次椎成屑朝飢得此
已無憂那識流匙湯沃雪朝朝采蕨耐辛苦鬢影春風
塵縷縷城中粧束幾番新翠羽明珠不知汝

西山藏書歌

卿嬛福地本巖邃龍威丈人吝珍秘金薤琳琅不敢探
玉笥封緘又何意我聞神禹䟽鑿年蒼水使者衡山前
赤文綠字富靈笈遺本難問祝融紫蓋之峰巔西陽高
制五溪鍵乃有先秦藏逸典形模端合勝三蒼著錄奚
庸限千卷爾時祖龍餓炎炎珍奔竟至荆衡南桃花流
水有鄉里幽深架構窮空哈金騰鍊索局鑰固守此雲
扉命盤瓠奇文一閱幾千年未必籤題飽蟬蝨今春泛

辰陽枵腹思古香丹巖翠壁有若百城峙宛見積書光
焰萬丈長天章雲篆誰傳述境典迷離邱索逸洞庭宛
委任編排呵護神明此其一伊古經書傳遠難魯壁汲
冢同凋殘劉餘幸逢絲竹響不彪音準豈尋蝌蚪觀藏者
苦難讀苦少寒素何從購緹縹摘鉛或伴箱內巾椎胸
漫索帳中寶我旣不若路溫舒澤邊蒲牒用寫書又不
若王仲任耽讀市肆成通儒七略四部正茫昧詎敢冀
窺黑玉赤勒天地之苞符茲遊幸津逮神蹟宜審諦慧
業未可希愚悃亦容許山靈倘許校讐材勝似蘭臺天
祿追陪來

雜詩六首

詩教堂詩集卷二 古

春雨無端浣碧烟桃花一夜失鮮妍請看今日門前樹
不待崔郎憶去年

隔江囉噴發吳歌草長鶯啼上日多知有招邀雙槳速
畫船何處放烟波

夢雨靈風詎有痕鸞牋十幅寄溫存春巢燕燕眠香穩
滿樹梨花自掩門

新柳如環踈地垂春牕玉女幾曾窺有時閒凭樓闌處
應識千絲與萬絲

未遣軒車駕六萌都將雲水寄閒情春山折處春波澗
知是郵籤第幾程

稱禧新繡踏春陽重唱琅琊大道王無邨心情喜天霽

橋南若个送衣香

讀芝龕記有感石砮秦夫人事題後四首

太息先朝季蜩螗黨論繁星從
罡煞配氣指穢淫論志
士虛長策憸人擁大藩有誰如
石砮辛苦報明恩
責固寬巾幗功偏著遠荒効忠
輕洗氏宣力勝奢香白
栳蠻軍陣紅韉侍女粧簡書徵
命急兵氣倍飛揚
自裹師行食貞誠奉帝邦平臺
明主感甲帳漢臣降績
累勤遼海謀非失蜀江史寇名
將傳女子正無雙
戮力能歸老昇真理固宜好垂
繁露筆獨擅遏雲詞忠
節仙凡共華夷士女知雲間高
唱在感激亦吟詩

巖太守作卷首有吳古心先生題詞甚工

詩教堂詩集卷二 五

題鮑閒亭梅塢圖小照三首

舊築申江曲焚香鎮自娛嘯哥名士與標格列仙臚品
已分銀筦清仍寄玉壺寒梅花遶屋端合勝尊鱸
屏上九峰春靄林間三泖秋潮茶鐺午榻烟細蘭棹津
亭路遙蠟屐佳時游涉畫圖真處招邀更染岳雲湘水
添君幾尺生綃

疎影橫陳一萬枝朝朝東閣望吟時勝情自索簷前笑
高致應多雪後詩紫蟹白魚中酒歇翠眉紅袖擘牋遲

卷中有麗人侍席

孤山增我披圖思羞笛休從楚塞吹

為陳崧亭明府題鮑閒亭梅塢圖小照

申江水泱泱機嶺雲縷縷中有考槃人結屋梅花塢樹

老香雪繁春朝增媚嫵巡簷索笑餘跌宕鎮懷古緬思
五嶽游奇文探响嘯湘帆九轉來岸幘對圭組嘯訝蓮
花幕游戲亦如許曰余落拓人一官滯南楚時時接名
流買魚恒得鱖精神固有通古權在縞紵張船爲君牽
徐榻不我拒心清依瓊枝神王引玉塵小坐每夜分劇
談戀日午投分忘形骸披忱託肺腑要惟道義深寧僅
臭味與山城氣候殊忽忽四寒暑誤君江南春倚枝悵
脩阻因煩玉畫叉自向圖中語笑謂圖中人遠游又何
補余慙何法曹東閣少栽樹題詩當歲寒聊用勸芳醕
有懷亦坵諸子

海雲嶺樹兩何如筆札全踈一載餘息壤正思甘茂語

詩教堂詩集卷二 末

南皮誰述子桓書雪泥高下皆鴻爪蓮葉東西少鯉魚
若使精忱投分易逢迎何地不相於

讀龔經堂詩遂集其句寄懷六首

宦向靈威問秘藏宦情儒術兩難忘使君所得乃清氣
後起衣傳一瓣香

一代風流萬古情苦吟亦復瘦峻憎靈鼈六變雲門聳
獨理朱絃奏太清

文章青眼感吹噓楚客吟多惜嘯餘記取篋中詩句好
登樓長眺眇愁予

巢林何補一枝安行役初嘗道路難海國歸來長避俗
南皮回首越王山

越臺南望阻重垣薄薄春陰耐幾分長日蕤香頻展對
句留一卷爲冰文

我故迂辛兼瘦沈歲寒風雪素心睽他時倘賦停雲句
卷裏猶存半格詩

題韋丈秋林讀易照二首

展卷多吳詠秋潮憶仰湖文章逢掖老川陸客裝紆念
結三珠樹曾留五嶽圖天山何用筮嘉邈在蓴鱸
楚塞瞻顏曰先生七十強壯懷存卽鹿舊業悔封羊學
易年仍假傳經緒本長崢嶸吾道在申伏正相望

憶鮒魚

清晨披爾雅當鮒卽名鮒正值炎歊候難諧俊味期三
年腥海錯五月住蠻陲想得紅糍鱠遙遙說朶頤

詩教堂詩集卷二

七

時竹寓齋秋日雜感八首

入值秋晴正惘然旅懷久不到吟牋鄉關路阻一千里
塞鴈書遲二白天城郭寂寥疎亥市岡巒重疊捲蠻烟
幾回霽曉憑高處心緒而今豈少年

四面羣山接近郊芥舟未許泛堂坳高情林壑愁中對
生計丹鉛倦處拋危石草深容射虎寒溪波淺莫營蛟
秋懷獨在牢愁財勞切畔更有何心賦解嘲

三十麻衣老大身更將書劍慰風塵馬周此日仍爲客
鄧禹當年已笑人酒瀉花觚拚酩酊金投虛牝費精神
名心道氣渾無著况復岡頭怯負薪

十草春暉報本難先秋早念客衣單門閭望已勤朝暮
川陸神應共燠寒幾撲靈菁甘節卦數編芸帙苦參丸
中宵寤辟驚心處慙愧循咳說采蘭

孱骨何嫌病屢侵藥爐稍間湯沈吟本知文字飢難煮
甘讓天倫樂未尋姜被各寒愁聽雨桓車親挽喜同心
西風欲報平安字捫搯應煩夜搗砧

聞道牙璋選騎來好期金甲受降回百年

聖澤涵荒徼萬里夷情制上台羽檄最宜磨盾草愷歌
真合對觴裁從戎橐筆誰人事壁上吳鉤澁不開

閩越嘗因負米探勝遊奇賞記曾諳簪裾人接東西晉
山海身經上下南荔子熟時供小摘榕根蟠處引深談

詩教堂詩集卷二 六

秋宵望月聯吟地今日俱憑夢寐參

客中消息揔何如藤枕經函只叩虛字有神仙難飽蝨
券成博士未書驢科名久爲顏髭賺秋氣頻驚鬢髮踈
更起山齋搖落感石田邨復計菑畲

中秋醉後作

如此清秋夜真成獨賞時狂奴非故態知己寄遙思勉
作傾壺醉還歌把酒詞坡仙去人久長笛不須吹

送許寶臣歸易州

廿載風塵客今朝喜遂初勝情仍磊落宦况久蕭疎詩
詠香山趣茶甘顧渚儲定知娛老日隨意學樵漁

黃葉深秋氣川塗望遠時江帆分白雁山驛帶斑駁老

眼鄉關朗長天雨雪遲寒風生易水應許慰相思
未擬霜蹄健頻煩翦拂勞我慙千里馬君是九方臯
白交非久雲龍願正豪五花臺有約何日共遊遨

和朱梅墅先生瓶梅元韻四首

寒香不藉試燈風攀得應分第一叢影瘦隔簾人闕寂
堂虛留月蒞玲瓏待回半面情堪訴未試全身態轉工
却倚烏皮消受許任渠花信去匆匆

一庭璧月照瓊姿風韻都教上折枝雅有素懷憑格調
最難忘象是推移宵寒笑索燈闌後人澹香尋夢破時
饒我吟心相賞慣藥鑪茶臼伴相思

態濃意遠揔無端半體橫陳認古懽拚倚孤標陪對榻

詩教堂詩集卷二 九

倩誰斑管畫凭闌開遲開早知難預時燠時寒諒易安
欲喚清哥花識否素琴三弄不須彈

多時冰雪不曾侵藏得春情直到今紙帳有緣頻嗅影
銅瓶結愛勝投林深深簾幕傾枝護倦倦琴樽盡日吟
珍重重添新汲水祇應同有歲寒心

男慎旬

詩教堂詩集卷三

武陵 王敬禧 孝承

松濤園草

北麓見梅花有賦

春寒百卉護胚胎二月山村始放梅高韻冰霜曾飽歷
勝情朝夕孰探來馨香不改矍仙性攀折還教牧豎猜
誰植瓊姿空谷裏想他標格在瑤臺

花朝卽事二首

霽景春來少花朝忽放晴林乾鳩婦樂簾捲鷓鴣迎紅
萼偏稀見清樽幸有擎瓶梅香故在真合祝長生

步屨沿山墅春泥濕亦佳柳青稊尚澀松老架偏排僻
地苔岑異芳時筆札乖當年勝游處莫觸舊風懷

詩教堂詩集卷三

一

聞雉雊

山館青蒼曉色明秧鉞纔露麥苗平鏗然朝雉偏清越
野雉一雙相喚聲

夢亦圯

山空夜彌幽寂境百感斷靈臺如死灰熟睡每連旦夫
何同袍人遙遙竟相見古懽久不逋雅語各生粲攬袂
自沈吟語我齊心願握余手誦古詩齊心同所願二句式好元夙敦焚
寐亦何幻日將數二千里且隔半萬年來筆札疎音塵
兩難獻曰余貧賤心恒觸浮雲亂矧君羅綺鼓寧專舊
雨盼側聞帆重洋水濶波濤漩聞今春將有途修險阻

多詎意來塞暢無影鑑何施有蹟夢難遁 杵與乘車
前因在返觀卽此悟精靈三生得籌算悵然想重經情
隨癡處散

黃楊老樹詩爲陳四幼鴻賦

女夷鼓譟催長養千葩萬卉乘時上繁紅冶綠披猖閒
應笑黃楊真木彊邗識此樹長青青鬱勃元氣蟠坤靈
黃中通理秉隱德激滌霜雪迴風霆人道先生崙厄閨
陰陽未必偏相吝蟪蛄朝菌難強同尺寸錙銖恥爭進
只此輪囷飽歲年攢柯結葉模天圓氣盈朔虛歷幾許
破齒一咲忘迺遭尺蠖之信元在屈孕育菁英厚彌發
要期節幹比金鏐肯與榎枻較勞佚廣庭日午春風吹
團圞密蔭生清漪靈根自合異磅礴神物尤須與護持
金固可銷石可泐嘉樹憑君善封殖便將章蔀紀枝柯
好爲先民延古澤

苦雨

皇天本閔下雨師今若何孟春屆小暑躔度窮羲娥霽
景雖暫見霖霖結沈疴洞庭艱吐納萬派停盤渦浩浩
沉江流孤城衝洪波隄防壅萬竈溝塍蔚嘉禾高浪駕
天來倏忽亡陂陔稻種早晚盡不願求移家妻孥泣相
對生計今則那詎謂慟心切飜見雨脚多得毋此涕泗
迸出成滂沱卽我廡高陸堂上滋青莎蒸於甑中飯濕
如井底蛙想得赤霄上炎官火繖羅層雲幾萬丈夏氣

全銷磨朱斃未沒水元狶猶浴河誰爲叩閭闔抑鬱鳴
哀歌

繡竹詞

并序

雍正癸丑間先君子曾游澧陽見於筆記者有
孟氏家山繡竹葉皆縷解云是杞梁妻針黹時
念遠所爲至今蕃茂今年晤蘭江楊翁爲予云
昔會親訪其地前所爲姜女祠祠僧云屋後徧
山竹皆是然當以無意觀之若預爲期恐不獲
見爾時登山延眺果與常竹無異因凝神注睇
良久葉漸有散者旣而彌望竹葉皆散多分爲
五縷者當風策策亦不復見其合矣予重感其

詩教堂詩集卷三

三

異爰仿樂府體賦之

香燈滯遙夢刀尺敲寒心霜根與雪幹倚此修竹林竹
林葉何多隴阪又交河良人役何地鴈足無經過檢我
嫁時衣衣做金縷飛單絲不成疋愁深懶鳴機小時繡
鴛鴦雙雙復行行停針靜凝睇檀欒影生冢石人立山
頭汜人泣河流王事義所迫薄倖非君儔竹竿亦有詩
竹葉亦有思纖針割未破柔腸斷多時縷縷連條條披
離青鳳毛海枯石可爛此意安能消只今幾千年精靈
寄蟬蛸未欲粗心人輕言我見憐

讀翁蓼莪先生傳感懷一首

姚江昔日靜鳴琴民不能忘直到今風雅偏殊純孝致

歛爲端貴讀書深千秋循吏誰兼美三館新編有素心
愧我當年少知識惟憑餘迹發長吟

觀臺灣圖

左股不落蓬萊東海島形勢開圖中崑身蟠互疊六七
提掇鹿耳蹲雞籠一線長沙走萬里茲張澳市如彎弓
大小琉球帶左右

東大琉球離灣遠西則小琉球也

磔裂礁礮遮海翁

海翁窟乃臺之外障安平赤嵌

二城

比鐵壘荷蘭舊築今仍雄重

洋竊渺水深墨秋颿春颿天昏雲盡歸版籍事豈易當

年經畫聞姚公

閩督名啟聖

七閩舊游我所識咨詢島俗言

僉同天荒播種自近代

明中葉後

不耕而穫誇盈豐遂令絕

嶠擅富窟跌宕妖女驕頑童邇來土氣漸疲瘠番社往

詩教堂詩集卷三

四

往嗟飢窮至若夷情殊慙悍山狎猛虎淵嬉龍文身斷
髮齒芻染小兒早已腰成筒堅槍毒弩不去手尚氣豈
慮傾家空夫何牧人弗深念祗循前轍云無庸廝役扈
養各忻跂挈囊荷橐求相從願告廉吏慎所與 皇
仁九譯宣厖鴻推圖默坐意何似浩浩雲海生心胷

月夜寄吳野

竹柏當庭夜景浴玉繩銀漢麗西東人如我輩閒難得
友似君儔夢可同力學諒應希董子養生還莫問坡公
虛廊兩地相望處懷抱誰堪託酒中

孤樹

孤樹易爲醉轉與濁醪親三雅避迂客一靈存古人感

兼風雨滯迹共牧羗氓荷鍤銜盃者遙遙揖伯倫

菑畬

菑畬經訓有何功戡影空山意轉蒙揣籥自知同眇者
賦芋應復咲狙公稻花遶屋浮朝露松葉成林瀉午風
問舍求田正難得好將簞笠老村中

六月十六夜步月至松林簡梅鳴

野曠暑力微山靜月華咫塵襟幸剗開幽境乍尋此謾
謾和古松采采弄流水雖無思話琴宛臨摩詰里因念
山中人胡爲落城市招隱託君懷芳訊有餘旨來札云
故山未便欲移精廬不復假朱紫轉晒予意奢

清愉良偶爾

詩教堂詩集卷三 五

明月五首

明月青山獨坐時涼風微上老松枝塵襟濯盡渾忘俗
抵詠卽須我友詩

碧天寥廓一輪圓珠斗琳琅半壁懸安得頑軀生羽翼
三霄三島賦游仙

輸爾君山把釣人洞庭秋水澗無津此時對月銜杯處
心跡從何著點塵

玉宇還知四海同幾多清賞此宵逢莫言明月無私照
名酒名花照處濃

呼吸乾坤清氣間晶瑩六腑不知寒怎如牧犢驅雞者
重疊射聲報夢闌

初度日述懷

應知三十三年首此際嬰嬰墮地時白髮共珍無價寶

繡襦偏護背生兒

生子時吾祖年已七十九祖妣亦六十五矣先府君方授經于

伯署

餘年烏鳥慙申養孤露孩提早刻肌

祖妣後府君八年終府君

夏應故人名赴黔送別時子始七歲耳

正使從今身

可立半生先已負心期

望雨

不節理足嗟甘霖竭淫潦驕陽鬱而舒夏季歷秋杪奔
轡不可控歎施久愈慄莫覓露瀼瀼惟暹日杲杲青女
跡潛逃火輪鎮圍遶纖絳希清風團扇散炎燠詎無涓
滴沾益珍膏液寶菊蕊吐已枯楓葉黃旋槁渴壤及蒼

詩教堂詩集卷三

六

麥况爾計秋稻灌注望早非龜坼在陂沼雖云天道遠
正見人謀少春澇鮮所鍾何必歎卑湫良哉崔李溫古
跡孰肯討歲功既重空萬竈自鮮飽側聞湖埂民身命
托萋蓼傾家勤採掘妻孥蹙相保且莫思來年冬窮土
難爪入耳信鬱陶無由訴晴昊轉瞬屆孟冬時令未可
考徑欲割乖龍睡酣諒容擾占易索雲雷胡乃心如擣
久晴後望雨正切孟冬朔夜大風始寒越二日
遂降大雪爰次坡公聚星堂雪韻并遵其禁例

燠久丹霜未滿葉狂飈遽遣吹新雪山深巖谷氣始適
雲際花葩雨難絕不煩密霰驟先聲頓使驕陽自摧折
續紛墮地積轉平倏忽瞻山黛早滅籬邊菊花固仍傲

膝畔蕎苗那堪掣青氈拂席澁吟牋烏帽仰天思醉纈
雄談清賞不可希高會何人霏木屑豈無翠幕擁紅樓
酒熱簾開時一瞥攢眉白戰歐陽苛試手龍公坡老說
倚檐獨立對巉巖半露老松如屈鐵

南陔書屋詩鈔

新春二日雨中試筆

活潑生機揔化工細吹春雨助沖澍柳眠稊向烟中綠
梅笑香從靜處通酒熟紅螺餘舊蠟筆開斑管有新筒
素心好待羊求徑醉擘吟箋品萬紅

始雷

月令占春仲乘時發蟄雷龍潛應有待雉雊已相催久

詩教堂詩集卷三 七

蓄鏗鉤勢初施霹靂才一聲從地奮百里破空來虩虩
聽方厲填填響未回鼓疑天樂作車試阿香推笑電先
期繞需雲徧處堆陰陽行不爽草木甲齊開七鬯元無
懼經綸有可裁當茲徵節候霖雨徧林隈

爲李梧亭題水墨花鳥冊二首

顏色何須借女夷白陽墨本舊曾披寶闌鎮日夸紅紫
誰見天真爛漫時

多少游禽矜觜距飛鳴不覺畫圖開道人本是忘機者
看爾蒼鷹欲下來

孫謙六詩 自杭赴黔省停舟來謁有贈三首

肝膽傾三世君家古誼敦前修懷宰木後起蔚清門自

得湖山秀初經道路煩妙齡勞負米握手我何言
爽氣開眉宇神鋒識太阿艱虞皆淬厲精采益摩挲儒
術東南盛先芬奕葉多前途有知己還許勸魏科
蓬巷栖遲僻寔然喜足音蹇維千里棹重見故人心襟
被嗟行役停雲惜盃簪且蘭沅水出時復溯高深

送龍介堂赴澧陽觀察招

蘭澤真堪擷國芳經衣筆橐更重裝新樽北海方斟酒
舊約東坡早對牀令兄星池緜帙夜披螢渚近綵毫朝
染墨池涼還應振觸同袍念時倚瓶花詠報章

題劉雪舫南游詩後二首

閩越吾曾涉當年少妙詞書虛雲谷訪潮暫鷺門窺鬪

詩教堂詩集卷三

八

水煎茶次圍香品荔時見君新製作處處觸情癡
海雨雜江風波濤落卷中騷情多楚客清詠詫吳蒙珎
柱擎初滑蓴絲剪正蜚浪遊餘俊味莫漫嘆囊空

和劉梅溪同雪舫登金山元韻二首

寰中真合有瀛洲兄弟凌秋共舉頭地脉遠當吳楚圻
江濤莫辨古今流石簨林壑迎黃鶴山京口帆檣起白
鷗登攬正宜雙勸酒浩歌寬處海雲浮

不見坡公七百年妙高臺外水粘天笑留玉帶機鋒歇

歌徹瓊樓并舞連坡公嘗以中秋夜與客登妙高臺命
詞者袁絢調明月幾時有詞公爲之

起香瓣路長勞我意詩脾墨濕喜君懸還期共躡三山

頂懷古題襟一豁然

九日陳四幼鴻招同翁三吳野龍五介堂劉六
公輔游鹿山別墅有作六首

秋壑深盤互山房指奧區磴欹沙路澁橋細石淙紆五
鬣松排架千頭橋課租丹楓相點綴身入朝川圖
剛耿凌秋氣山屏擁碧巉仙踪迷鹿洞靈勢踞獅巖嶺
疊高棱露泉懸古竇嵌軒窻清憩處嵐翠撲輕衫
丙舍仍精舍惟茲勝獨兼篋留萊子綵芸護鄴侯籤奠
食雲生棟攤書月滿簾看君勤洛誦邱壑豈容潛
客到啟雲關相將飽看山酒香壺滿眼菊細蘚連斑合
節徵清賞雄談破醉顏落霞飛鳥外姪燼極烟囊
朋簪真不易勝地樂同羣敲月驚僧定徵詩厲夜分韻
從奇險穩思入綵銖勤猿鶴寥寥際高吟亦許聞
自覺催歸易還期且住佳祖鞭人已着謝屐我猶乖泉
石勞清聽風雲賺壯懷他年著山志容許說吾儕

同遊耆閣禪院得僧字各賦二首

九日西南喜得朋名山初地漫同登蘿牽曲逕禪龕靜
菊遶虛堂勝節矜毘毘未堪評倦客蕭閒真合禮高僧
請看石鼎茶初熟半偈機鋒我詎能

遊歷青鴛第幾層鐘聲初靜一龕燈溪山匝匝秋如盟
竹柏陰森月有稜喜暫身閒儕野鶴懶將公案叩禪僧
歸來且索飛觴快醉後應多逸興騰

寄澹津馬繡江先生

經帳扶風擁絳紗，臯比妙緒正紛葩。弱齡志業傳三策，健筆鈎稽遍百家。膝上瑜瑤清廟器，門前桃李赤城霞。阿蒙回首挑燈處，感哉翻慙拂拭加。

送羅二超北赴春官二首

彩筆平生第一流，笙簧應叶鹿鳴秋。宵窠桂魄初開照，侷儻龍文正遠遊。志業早從知己信，功名真合及時酬。好期玉殿臚傳處，湖嶽英華握勝籌。

九色斑龍躍景雲，素交親切自同羣。扁舟華月能陪我，矮屋深燈早讓君。今科與超北同舟切玉豈嫌刀淬厲，看花還喜眼紛紛。關中又連傷同號切玉豈嫌刀淬厲，看花還喜眼紛紛。金閨知好遙相待，麗澤應期勝楚濱。

送龍介堂赴永順潘郡伯招三首

詩教堂詩集卷三

十

碧玉春流舫艤船，萬篙聲裏泝蠻烟。溪州銅柱今猶在，好讀遺銘小泊邊。

董帷經奧已無疑，陳榻風徽更可師。却上白樓重倚徙，古烟殘墨有遙思。

蓬門蒿徑不曾鋤，知己何堪迹又疎。想得官齋清課暇，雲山時指寂寥居。

郁生

灝

隨親歸越州詩以送別二首

清照沅湘水，高帆指鏡湖。宦遊長楚蜀，歸卷識枌榆。名父廉聲遠，稽山秀氣殊。卽看良驥足，騰踏上亨衢。

兩歲從游意，難爲砥礪心。輝光宜浸潤，根柢在槃深。閱歷功應久，飛揚信在今。鳳毛舒采處，知己慰遙音。

送陳四幼鴻赴成均

璆琳韞荆山光華滋草樹藻采明堂登特達素所具千
鏤百鍊剛良冶善鎔鑄紫氣斗牛間知已早遙遇在物
不可誣於理有足據卓犖同袍人戢羽蓄盤翥一朝乘
長風便凌紫霄去健翮摩高旻不屑腐鼠顧發軔值仲
春蹠躩鶯花路高岳界長河詠歌響韶濩朝食望郕梁
及宿指元圃釋萊觀六堂大禮奏三賦看君偶鸞凰行
自念雞鷩方慙東臯耕詎云南山霧丈夫樂乘時匪僅
僵饑噉雷雨展經綸庶足顯章句贈言非夸奢肝鬲自
呈露轉瞬秋鹿鳴亨衢騁高步彩筆挾天葩沈范芙蓉
譽舊雨尤夙敦覲縷識新趣間歌儷笙鏞典冊煩輯著
南鴻好奇將菰蘆有遐慕

詩教堂詩集卷三 十一

採茶曲

阿香夢破春驚曉蒼山凍木句萌小雨潤雲酥茶樹林
戢戢靈芽未堪爪燕釵彎髮嬌青娥苧蘿溪綠明層波
碧玉枝柔香觸手招邀小摘筠籠過爭誇雀舌兼蟬翼
採到寧嫌破春力花鏡鬪水乳花輕那識旗槍正難得
鳴鳩戴勝交翩遷泥人火前連雨前屋角女桑葉如掌
小姑穩飼蠶三眠

登陽山絕頂

荆山脉絡蟠腳梁磅礴元氣呈青蒼我來絕頂正新霽
盪胸決耻神洋洋萬壑羣山勢爭迸長江作環湖作鏡

傳聞雲夢有波臣夏秋獻魚能致敬虬松衙衙泉潺湲
晨昏鐘磬敲雲關虎豹遠迹魑魅服入山人不逢神茲
祝 釐正值臚歡日展禮名山慶咸秩此區亦傍朱鳥
精於萬斯年頌元吉

小園有西府海棠幼鴻曾索分種未及與而別
得一本今春花開以詩相調有東隣目成之
句爰和其韻以答之二首

香國幽居摠寂寥未同桃李鬪芳標春風自與銅臺異
莫向花神詫小喬

一枝仙艷試粧新旖旎風情特向人早晚潘郎種花去
河陽寧憶故園春

詩教堂詩集卷三 七

八月十五夜芷間園中梅開數萼幼鴻招飲賦

絕句四首卽席次其韻

最是秋光此夜多忽教疎萼點斜柯仙姿莫認羅浮夢
半面依稀識素娥

庾嶺南枝信尚遙曲闌踈影早招邀萬堆金粟非無馥
纔嗅檀心意也消

清樽相酌倚高樓露滿仙盤玉宇浮勝事詫他殷七七
梅花香裏作中秋

辟疆新築園林就狡獪花神亦炫奇好待蕭蕭風雪夜
共來索笑暢吟詩

九日介堂梅塢小集分韻得日字

秋菊未試花空度重陽節誰能鼓金英難喚殷七七素
心小招邀會處自真率隨意臨壺觴卽事徵簡帙狂語
不必嗤遙想等閒出把酒酌古人胡不對今日華月在
芳年並坐理瑤瑟倏忽各老蒼落拓青鏤筆燒燭擘長
箋嘯歌守一室將令裙屐徒戲馬咲迂拙西風吹雁鴻
白露深蟋蟀努力夙好敦良時重名實

幼鴻招同介堂公輔上孚集芷間園分賦各以

其姓爲韻二首

節物感搖落頻連舊雨觴飛騰存酒壘游戲應詞場鄉
瑟將歌鹿天弧正射狼壯懷何所信詎獨似裴王

九日朋簪盍名園訪辟疆湖山天巧覩萸菊令辰纓徑

詩教堂詩集卷三

七

曲徵花史樓閒品墨王搗來容雅集涼月滿衣裳

新柳四首次漁洋秋柳詩韻

綠波春草已銷魂幾樹垂垂更揜門次第東風催舊約
淺深朝雨沃新痕牽衣欲醉離亭酒寒食遲探遠郭村
此日風懷誰識取永豐坊裏好同論

萬條不憶舊時霜新蔭迷離半浸塘執手漫酬青玉案
畫眉初擘翠雲箱依依佳句曾吟謝濯濯風姿偶識王
若使栽培漢南地伴將文杏更題坊

翠汁深知好染衣靈徵猶在是耶非珊鞭戲馬條誰換
金縷藏鶯品自稀匝地綠陰元款款漫山紅萼任飛飛
但教莫話桓宣武春雨春風願豈違

蘇臺詩卷最堪憐
婀娜臨風更帶烟
顧態共知邀醉舞
關心誰爲惜飛綿
澹如無意垂宵露
弱不容攀類早年
珍重幾人如白傅
新枝移到禁林邊

爲李梧亭題呂摠戎畫蘭卷三首

卧虎盤雕掃塞氛
拈毫更覺墨如雲
指間生氣鼓鼓出
裘帶風流迴不羣

騷經香草澧江多
永夜湘靈挾瑟歌
葉葉與他頻寫照
通辭何待託微波

點蒼金碧歷烟巒
小字將軍畫本寬
避俗獨携冰雪卷
素心眞許在幽蘭

雜詩三首

詩教堂詩集卷三

古

灼灼舒紫莖
皁蘭裒清露
豈不懷馨香
所嘉在知遇
明雲間月皎
皎機中素
簾櫳隔深邃
容光亦相顧
美人達曙歌
佳期軾寶輅
太平旨酒盈
笙簧誦甘瓠

巍巍仰清廟
大雅朱弦音
太羹配元酒
肅此明素忱
千官禮樂場
萬國懽忻心
熙洽繇千禩
恩浹肌髓深
彼微水中藻
尚足漑釜鬻
鬱鬯及秬秠
且薦黃目尊
抱此一編書
長伴秋樹根
古人亦緬邈
存者糟粕言
靜念心轉悚
所言吾何存
菑畬在經訓
致遠宜夙敦
口耳愧浮淺
輦帙徒煩寃
爲己貴實學
庶免羞素飧

採菱行

采菱何處白馬湖
雲霞十里明菰蒲
綺交繡錯色佳麗

擊碎鐵網浮珊瑚朝朝采菱不知味擔向朱門供半醉
含霜冰齒不言涼湖風湖雨沾儂裳

沈約臺懷古

蘭芷風流接楚騷隱侯臺樹冷江臯郊居賦就供清眺
洞口花時把濁醪樹指豫章銷歇久地尋禪屋緬懷勞
詞人往迹誰重理爭似樓標八詠高

張長史墨池用少陵張旭草書圖詩韻

招提何幽紆行來路可得一泓清冷淵深處含古色水
脉滋淪漪石齒界曲直名從長史傳時復想筆力驥猊
恣奔波蛇蚓染深墨醉後頭亦濡顛來興方極斯人去
已遠何處得遺則雲烟盤薄間意態猶可識小汲淪茶

詩教堂詩集卷三 五

鑷蟬蠹古同食藝事留神明况乃酒全德

題高彥敬畫楚山春曉圖次張仲舉題高所作

山村圖詩韻

山人住山山澤癯經營林壑山一隅目欲遐憩景則無
日日避俗如逃逋高君絹本鎮可娛雅宜雙管兼生枯
春山處處多平蕪梅花還與桃杏俱綠谿青嶂交涵濡
波間有漁遙可呼壟上黃犢疑於菟水石明媚嵐不龕
營邱河陽道何孤山人住山輸此圖

詠老少年十八韻

有草榮秋合嫣然老相中不因花鬪艷獨見葉生紅寂
寞忘春旭英華透晚風渥丹移舊質蛻甲得新裝奚事

嫌媠毋真疑變玉童大還仙藥贈佳境暮齡通術豈雞
皮竊鮮非鶴頂同層層添渲染旋發精融琥珀痕方
活臙脂漬不窮暈渦斜照媚酣態絳紗籠何處資膏澤
其間測化工淡中呈絢爛冷際忽瞳矐瓊樹羅階側珊
枝出海東露溥先圃菊霜薄候江楓未假香邀蝶如期
信到鴻愛應分少婦識合喜衰翁已見心惟赤寧云色
是空神奇誰得似清賞契元功

與魯垣吳野昆仲省試歸月夜舟中話舊慨然

有贈

文戰翻將契濶酬廿年兄弟屢同游宵寒頻曳姜肱被
路永羣瞻郭泰舟鼎值丹成經幾轉劍當龍變自依儔

詩教堂詩集卷三 六

春風鈴馱連鑣處佳識應期此夜留

踏青次二蘇倡和詩韻二首

東方風來滿野青女夷鼓歌依天行天工任意作紅紫
剪刻穠冶皆真清花叢剪剪新燕舞樹杪恰恰雛鶯鳴
大哉元化各有託奚必束縛嗟吾生人生素位得至樂
不待組綬簪朝纓出門春色已潑眼隔溪人語還求聲
板橋畧徇任欵側麥壟方罫時縱橫呼童挈榼望花去
亭北杏林紅最明

一番曉雨已拭塵青鞵旋踏芳郊新誰人被酒緩金勒
有客冶春停繡輪幾曲疎籬麋眼隔數家老屋杉皮隣
大田未忙犢湯叱小偷不至犬亦馴似聞隔年葢藏薄

菜飯或與癡兒噴吾徒未必便行樂且任野性儕麋麇
瓊筵坐花有豪族惟知跌宕酣餘春不如款步約歸路
沙頭霽月還清神

詠荷包牡丹

較葉還應勝牡丹評花翻訝剪羅紈春風倦繡無人買
一串流蘇挂竹竿

初冬西府海棠次幼鴻韻二首

瓊姿香國最無瑕消受年季兩度花秋露雅宜標逸艷
春風早與護穠華韻兼黃菊香寧借冷逼紅絲影未斜
自是神仙才藻富破將餘力染烟霞

詩教堂詩集卷三 七

桃李漫山錦繡匝嬌酣亦自壓雕簷縱饒紅玉通膚膩
幾見青皇洗眼瞻俗艷萬葦空絳雪新粧九月媚冰蟾
莫言契濶梅花聘倚到南枝韻更添

蠟梅詩八首付甸兒觀之

滿樹霜華點蜜脾如珪寒月照來稀芭蕉葉槁梧桐秃
漱滌奇芬影正肥

禪老真知道味腴濃堆蓓蕾亦清臞還應柏子松花畔
洒落風標種幾株

水仙數朶冰華破南燭連叢火齊圓著此香山老居士
歲寒三友譜新編

十分清烈裏寒葩剪燭三更伴煮茶怪底世情捐不盡
嗅香唯說似梅花

不隨搖落萎嚴霜澹澹檀心發古香想得春前金谷種
一時穠冶太披猖

磬口何曾咲紫紅儘教粧點鬪春叢繁華旣厭天真出
林裏旃檀轉羨公

雲堦月地摠精神不待橫斜態自真寄語禽休睥睨
此花元不愛爭春

冰雪方呈琢鏤才天根一綫透靈荑黃中絢出坤元理
詒爾梅花去作魁

己亥三月晦日作二首

三月正當三十日春光相別太朦朧積陰罕露鶯花眼
滯雨惟勤繳展工豆莢剝稀愁穉子麥芒黃淺話山翁

詩教堂詩集卷三 六

但教披豁瞻晴昊輾釜何嫌比戶同

三月正當三十日春光相別正蕭疎花留婪尾誰呼酒
葉展蕉心嬾學書舊雨客稀三徑迹宿春糧少一甌儲
此時擁鼻清吟意瓦雀雙雙亦咲予

競渡詞十首

武邑競渡事甚俚鄙而踏浪爭先亦水嬉之

豪舉第尚氣慄鬪多見滋訟故當事常厲禁

之予於戊寅端陽飢觀其盛戲作竹枝十首

今年饑饉之餘薦爲大疫俗以龍舟爲禳解

之具遠鄉畢會又得大觀焉爰檢舊稿錄出

雖俯仰今昔不無有殊而謠詠所存亦以志

土風焉爾

方舟誰憶屈平愁風物江鄉度麥秋
一自揭篷初八後村村鼓幾曾休

收端未了早臨期薙白塗舡兩岸移
最是兒童爭氣甚隔門分界不同嬉

逢逢鼉鼓震江濤素幟朱旗各舉高
可信楚人專尚鬼陰陽雙筭擢邊操

長江橫港各當機爭視長年妙指揮
請得大郎舡首坐開兵應共鳥齊飛

擘流直下勢披猖百槳齊掀兩莫當
一霎紅旗高揭處者回大伯讓三郎

詩教堂詩集卷三 九

爆竹聲中萬口傳雷鎗電激響闐闐
金花开處魚鱗到可好牽連象率然

偃鼓輕橈過碧潭蜿蜒靈物正耿耿
大家豪氣何如許一遇真龍兩不堪

綠楊芳草匝汀洲人影波光兩岸浮
賽到日斜看未厭更教迴棹木蘭舟

錦標贏得樂融融啁哳村歌唱晚風
十里紅燈明爛處畫舡簫鼓送梢公

賽神伶唱更重科連日坊鄉費幾多
但願巫師保康吉舡舡俱是太平歌

題陳芷閭雪鴻書屋卽次張荷塘明府元韻

堂成遵渚有來鴻
心迹超然契太空
留爪遠分蘇氏雪
爲儀高振楚臺風
絳紗經席圖名俊
紅燭書厨權異同
好與淮川添勝迹
環堦滋遍蕙蘭叢

詩教堂詩集卷三 三

詩教堂詩集卷三

男慎甸 孫淳發校字

詩教堂詩集卷四

武陵 王敬禧 孝承

南咳書屋詩鈔

詠蘭花豆十韻

九畹翻從一頃滋，椒酥煎煉得瓊姿。
 花攢魚鮓堆盤秀，莢老蠶叢幻種奇。
 脆甚斷金香乍散，味非嚼蠟色偏宜。
 幾煩女手親鑄玉，早向油鐺寫竹枝。
 旆旆尚思幽谷蕪，青青如采澧江湄。
 月中桂落形難肖，宋時月落桂子於靈隱如豆火裏蓮生喻自知。
 色相假真誰辨菽，齒牙伶俐勝餐芝。
 點鹽不慕淮南乳，紉佩還兼屈子辭。
 佐酒青燈徐聽雨，添茶文席引談詩。
 山家清供原堪詠，聊補閩南十研遺。
黃莘

詩教堂詩集卷四

翁香草齋集有七古一首殊覺未盡其意
 壬寅新春與兒輩酒間拈豆語及作此

閱楊懿庵

賦

叅戎目鴻堂詩集并法書冊志懷

二首

物望高淮右，儒風振將門。
 壯猷原灑落，大雅久飛騫。
 弓槊邊牆健，詩書夜案敲。
 惟應羊叔子，裘帶許同論。
 畫戟森兵衛，清機自有餘。
 雅歌時擁鼻，揮翰徧題裾。
 心遠鴻飛外，神遊隼擊初。
 琳瑯窺二妙，眞抵十年書。

壽陳太母

煜爚黃金護，甘露擢森茂。
 戢香青瓊芝，朝陽發神秀。
 靈貺屬蒼穹，本不異肥瘦。
 要惟鍾毓奇，愈徵封殖厚。
 太母四岳裔，有媯鳳呈絲。
 德星麗紫躔，元精益隆祐。
 的的龍

領珠滄海深翼覆中有照乘珍清輝遠通透烏奕誠胎
前璘瑠逾燾後拾芥雖豐勞摘髡必無謬欣逢良月辰
六十進芳酌顧斯寸草心永此春暉晝沅澧羅芷蘭洞
庭紛橘柚松肪廊梁供旨醞醴湖侑綵服疊捧卮六銖
讓衣繡龍孫擁玉鳩顧養慈顏就珩瑀聲正齷繚約步
匪驟霞綯藕絲裙旭映桃花綬含飴遞分甘忻愉盎然
返翠水旣迢遙蓬山亦眩瞶金丹誇交梨金剛詫靈鷲
仙佛互瑰詭要信仁者壽試問瑤池桃果熟誰頻嗅曷
若武陵谿谿歲歲花如舊

次韻荅芷間寄懷之作四首

詩教堂詩集卷四

橐筆歸來歲又寒遠傳芳訊自吟壇湘雲誰識愁予思
墨露真成快意看半畝冰霜憐倦客一肩風雅振儒官
遙知歸鷄飛鴻處勝境還應選勝餐

青氈在御席非寒建旆曾登大將壇高築詩城供坐嘯

暫題經苑任人看

時新築雪鴻書屋
自作碑記寄示

文章不朽留先輩

志業乘時起一官好辨精神高步去春盤苜蓿正堪餐
鰕生唯我笑迂寒慙預丹雘越客壇畫餅未全名士樣
題襟誰似故人看舡牽枉渚漁呼父樹老汎洲橘少官
生計年來寥落甚勞君珍重說加餐

汎字土音
皆讀平聲

避謗醫詩硯久寒更因善卷訪遺壇玉輪月魄偏昏照
銀渚星期早卧看豈爲鷓鴣煩赫鼠應知疲馬怯供官
從今招隱無須賦把菊邱園頗耐餐

題翁吳野漁竿小照六首

生計真堪託釣筒，湖鄉鮭菜等閒充。吾儕誰是任公子，任掣鯨魚碧海中。

薜蘿衣帶芰荷裳，秋水蒹葭在一方。纔覺會心心便遠，機鋒何待說濠梁。

翠綸桂餌用真非，空羨槎頭縮項肥。若使敲針求術早，不教終日坐苔磯。

袞袞江流易作波，鯉魚風急踏鼃鼃。問他簸浪施農者，到口甘鱸得幾多。

跋扈詞場意自豪，少年元佩呂虔刀。天然白小胡堪斫，龍雀環邊賦老饕。

詩教堂詩集卷四 三

解識於魚能得計，便將游戲作真詮。蒼波細雨斜風外，君把綸竿我刺舡。

研北先生告歸謹呈四律

熊軾閒憑賦遂初，未全頭白早懸車。後先春水永毘耶國，循卓名多郡邑書。先生官臺海凡八年前于乙亥丙子間辛寧德比再赴閩已列傳于福寧府志名宦中海外文兼坡老勝，橋南家與柳侯如。歸來宦橐

何嫌薄，娛老牙籤舊有儲。

華星厯厯戴文昌，著作瑤璣翠墨香。卓爾扶輪推大雅，

巋然層構仰靈光。笠車時厯泉臺感困廩，頰傾竹素裝。

先生感舊之作厯懷師友而先子下世三十餘年亦荷述及且以畚經堂詩文雜著見惠自愧當年

虛負笈絳紗，還許再登堂。

卅載賢勞永嘯歌遺榮詩筆倍駢羅亢倉社稷人從祝
白傅屏風口自哦澹澹清香忘畫戟亭亭高致契雲蘿
渭南老子南歸後應識吟箋歲轉多

久故有豈知甫里南征客
歸卧家山三十年之句

放翁致政時方六
十餘自後迢迢最

綠野新從頰壁論繩樞宅亦近高垣陳芳詩聖元開國
通德經神更署門梧竹鳳鸞看振羽春秋花月許陪樽
鰕生果遂幽居樂問字寧辭日侍園

雙柏泉七古一首

鼎城形勢雄南邦郡侯聽事羣吏躩高擁旌節羅磨幢
戒石瞻顧天民懍銅柯古柏枝撐撞離立相向根蟠雙
下有古泉聲淙淙闢自有明楊公撻碗甌深甃殊溪缸

詩教堂詩集卷四 四

石脉一泓非奔瀧綠莎滋液沿翠苙清冷沁骨涵崆峒
一勺入口三庭降玉虎牽絲轆轤撞餅罌搨搨倪扛
井養不窮汲語吮晝夜挹注盈千缸柏實下墜如紅缸
靈津滋液人敦厖放衙事簡宵傳柳間里寧謐無驚危
團團影漾掾吏窻今夏不雨焦禾糗流減直欲乾朗江
歌葩薰灼兩目眈渴喉有似矛戟縱脚踏官廨足偶楚
爲問雙柏無枯椿素綆試汲鳴琤琤爽然一吸同老龐
瓢酌天漿語非春暑蠲疴失京滿腔易名清白字可腔
臣心比似離黜黜大早不竭澇不涸千秋府君盟腔腔

研北先生官平和禱雨文手稿爲余所藏甲午

夏從曝書中檢出題志今閱畚經堂文集未

載其文因以原稿與亦垞昆仲屬其補入遂
系詩二章

當年呼籲本精誠甘澍旋從露禱傾赤地春深千頃渴
青詞夜奏寸心縈詎憑覲縷邀元鑒實有文章達玉京
爲說髻峯霞嶼畔至今猶頌東長生

一幅冰文墨吐華芸香堆裏迸龍蛇懸金共仰鴻文富
片玉還思惠澤遐孚佑上昭元卓絕慈祥有迹自梳爬
趨庭好爲編排補治譜彰彰著作家

同張舒民訪沈隱侯書臺在古樟下作

林垞亦云遙秋江劃柔櫓言尋沈侯臺佛地憺容與昇
澗千餘年壇坫杳何所藏久迹逾湮名在事堪舉邂逅

詩教堂詩集卷四 五

得古樟奇崛徧翔舞清蔭蟠畝餘老柯挾雲吐儼然遺
構存百柱同一礎仿佛東陽人瘦削倚樽俎翩翩江左
秀南來云用武參佐蔡郢州幽襟寄江渚佩芷襲芳蓀
騷雅句容譜百齡影雖徂一抔指可僂遙遙嘯詠心曾
房留粥鼓基隳樹斯萌樹在地彌古無由訪碑碣卽次
徵口語辭客代相推名籍存幾許爾我暫憑襟能爲後
來數一樹胡足云閱人轉爲主綠陰透輕衫涼飈拂平
楚觸鼻水樨香相將逐游侶

同人集福光禪院賞桂作

賁隅八桂何萼亭朗江西岸攢真形金粟如來化城廣
蟠柯結葉雲冥冥闕風伏雨蒸楚澤醞釀秋氣延郊坰

雕刻離騷作香國滿城習習吹遙馨人言福光禪舍古
晏殊天女呈娉婷三篙秋水泝碕岸招邀游侶神魂醒
沈侯臺榭迹已晦豫章樛曲當門庭經龕白足少詩味
香林翠地多閒町鬱然離立六七本蓋葢匝交窻櫺
根幹俱邁百年上輩行猶屬二老零其左招提聳兩樹
望之目炫心屏營撐搪羲馭暑不到激滌羣卉塵難停
高簷廣廈不足擬綠天全覆藏風靈明蟾透枝夜敲杵
涼飈拂葉朝流鈴秋分將屆秋意密芳葆齊發榮華星
天香萬斛洒空界寒馥十里霏雲汀吾無隱乎爾可悟
清泉白石應同聆我來展席憺相對一杯酌樹料相醺
閱人成世幾榮瘁輪囷得耦資坤靈二三老輩宦游遠

詩教堂詩集卷四

六

西循蔥嶺東滄溟

坐中李叅戎年七十七陳守戎年七十二朱太守年六十五

僉曰

寓目此其最枌榆古澤宜頻經故國喬木賴有此玉犀
况復招銀瓶座中羣彥各舉手指花爲壽期脩齡酒闌
似聞花太息花時始見驅輕輶俗僧負利重捆載撲花
戕徧青鳳翎金葩玉蕊佐瓶鉢摧殘奚啻吳剛刑幸逢
良會勸酪酌願言歲歲先敲局奇芬逗酒意戀戀斜暉
掛樹光熒熒連蜷偃蹇撫摩久小山正欲鐫新銘催歸
且緩木蘭棹江城如畫看深青

研北翁分韻得而字一首入倡和冊

秋香遠自招提吹泝流單舸牽明漪沈臺雖隤迹未移
古樟虬舞撐之而欲讀唯略無殘碑不若老桂花敷披

東西兩院各騁奇連蜷離立交涼颺萬斛金粟堆古枝
濃香直沁人心脾先生顧咲揚玉卮入衆香國能無詩
迹繫千載花當時醉翁之樂山水知

壽管有亭先生七十二首

頽壁談經跂孔顏抽簪未老得身閒繡書字注金壺墨
化雨林榮玉荀班雅許酒迎陶靖節任將屏寫白香山
逍遙七十華齡介標格應儕海鶴間
白雲高誼紹前聞家有傳經早誦芬纏膝共徵承訓薦
齊眉還識勸餐勤春延錦里翻紅藥秋朗銀蟾駐彩雯
歲歲賓筵仙樂接幔亭同侑武夷君

盆菊作花各因其種而贈之以詩凡八首

詩教堂詩集卷四 七

海鶴梳翎雪片鮮新姿早發試霜天最宜良夜亭亭見

不照蟾光亦皎然

白鶴翎

挺特精神迥不羣扶疎枝葉自成文黃花亦有飛揚意

籬下胡爲號隱君

金絡索

廬山院裏說風流深色還從菊樹求唾向繡牕圓暈濕

紫絨眞箇蹴成毬

紫絨毬

緋衣寵錫憶當年藻火分敷葉畔妍晒向秋堂顏未黜

承家還藉舊青氈

舊朝衣

坤元厚德蘊黃中名貴無嫌淡泊風若使裁羅眞作黻

籠街唱道入花叢

黃羅黻

買得胭脂欲贈誰女華雖冷強塗之天然本色難全恃

正是花宮鬪艷時

胭脂餅

湯笑將軍索鳳毛紫文鸞驚隸仙曹西風搖動東籬影

頓覺歲隳觜距高

紫鳳毛

數竿森竦依脩竹幾朵玲瓏綴踈菊湘姝翠袖曉寒時

屑屑霜華碾秋玉

玉玲瓏

又得二奇種詠之

金玉相

此花一本上黃白各呈且以一萼而黃白半者俗名秋色平分未能允切

求之菊譜有二喬之名但主紅色夫菊雖多品黃白為高而此能兼之殊可貴也爰為易

焉其名

滴粉搓酥搃未如靈葩能合土金儲采芳大雅求君子

不數人間藝菊書

詩教堂詩集卷四 八

金芙蓉

菊譜中有二色瑪瑙金紅淡黃二色千瓣此花殊相肖但色隨時變有似

芙蓉故仍於譜中取舊名與之

拒霜何若傲霜超金縷衣邊百態嬌好把層波睨青女

額黃深淺襯紅潮

梅愛吾誕日同人徵詩侑之二首

清輝真照玉壺冰詩法由來說宛陵雲出敬亭千朵活

月涵朗水一輪澄裁成花骨非吳錦染得松烟遍剝藤

更上層霄試風力搏扶萬里看鷗鵬

君家四十正芳辰大筆歐陽致語新

研翁先有四律東國人倫

憑藻鑿西崑詩格入陶甄朋簪雅集爭聯唱家釀初馨

好飲醇更乞醉翁兼酒政飛觥誰許話逡巡

和沁園成明府詠李叅戎蠻刀歌次韻

將軍久躡祈連雪血漬寶刀光轉潔錦條纏裹號蠻琛
不數滇南古宗鐵虹光遠接夷亶州陸剗水截無堅柔
金錯大環玉嵌琬把來處處功名收當年辟易萬人敵
三尺橫行掃叢棘生羗老緬望風奔南北邊塵應時息
只今龍雀留戎裝鞞琫斑剝啟精芒驂騮齒平卧沙草
百鍊亦共鉛刀藏良器呈能志可已夜半風雷不須起
摩挲聊復和高歌咲我毛錐守鄉里

萊公泉二首用杜詩次韻

平仲沅南迹許尋秋汀芳草氣蕭森徒令瘴海償孤注
孰憶澶淵繼好音爽矣南泉開土地黯然北闕大臣心

詩教堂詩集卷四 九

禪龕一勺留餘味清濁從人識素襟

丁寇當年同過地萊公榜字勒題高青山未遂埋忠骨
白芷還堪薦土毛一脉潔涵冰玉意千秋名在范韓曹
卽今灑灑元堪指天水徒教望古勞

伏波祠眼韻

靈風颯颯山之隅蠻陬萬古神威殊古木勁草露光怪
宛見羽檄飛銅符新息勲名已冠代仍復矍鑠馳龍駒
五溪跳梁晒檠瓠醜酒一酌壺頭壺誰謂遷延老兵甲
猶是惹苴疑明珠七尺眞教馬革裹倉皇身後嗟何辜
要知精氣本忠義血食永鎮天南都

教子堂限韻

作尉沅南爲建言史宥留得諫書存義規賢輔忠肝激
教切佳兒夙好敦正以穆明彰浩氣敢將卑瑣忘慈恩
魏公換記君謨筆柱礎千秋認石根

賦得麥浪

綠漲郊原麥滿塍惠風吹處浪層層兩岐作勢青初瀉
萬畝生漪翠未凝穠穰正堪翔魯雉淪漪眞合繪吳綾
康年願進來牟頌新水新秧看早登

九日送陳幼鴻之瀏陽學博任

摩霄鸞鶴本神清璧水新看振羽明彩筆舊曾評國士
絳紗先已待諸生駢羅羣雅滋湘竹鑿琢奇琛儷楚珩
吏治卽從經術裕長風千里豁雲程

詩教堂詩集卷四 十

翠樽黃菊歲同拈譚菽迢迢滯夜籤笑我痴迂隣蝸蝓
多君精采敵霜蟾秋深花逕苔初潤別後藜牀夢乍添
他日重陽誰共詠江鴻應識附蘭謙

題常一村參戎金川紀行詩稿後卽次其凱旋

詩元韻二首

撻伐王師本萬全清吟不暇枕戈眠風雲指顧開蠻
徼珠玉琳瑯照遠天百戰勲高宜喜上北路以得宜五
喜山梁爲大
冬圍合喇依前鸞刺依爲金首巢穴乙未十二月
兩路合圍賊窘極矣至明年遂平鴻章
便是鏡歌樂鼓吹還思奏凱年
山川歷歷壯猷全下土披吟醒醉眠至性由來著忠孝
威棱早已薄雲天 聖慈厘切金痍次書卷情深玉帳

前早晚榮光開節鉞雅歌猶是祭遵年

送學博張筆石先生告歸湘鄉卽次其留別元

韻四首

圖書一舸溯湘湄送別將期雪霽時黃髮固宜安壽耇
絳紗還復戀經師久憑模範昭都講幾與陶鎔作摠持
解組還同松柏健青蒼長認歲寒枝

靈光魯殿照琳瑯五十年前上大堂自欲許身同稷高

詎甘生計託農桑箭穿楊葉弓頻健印點芹花綬亦香

齒德已尊名不薄豈徒齊物說蒙莊

壬子丙辰兩中副車壬申方中正榜

年來詩敵渭南翁詠史還兼左太冲墨汁洒餘情不淺
酒錢乞得興無窮浩歌金石原相應娛老壺觴亦有功

詩教堂詩集卷四 上

爛漫天眞吟錄別盎然春遠意蓬蓬

歸去孫曾間起居上湘門第接衡廬遂初人類青綸客
夔慶家增紫誥書芝草不煩資藥裹蒲輪還擬式安車
他時著作新添處我向沅南盼鯉魚

衡署八詠應蔡鑑屏先生作

祝融高處覲初陽鈴閣迢迢夜未央想得臣心喻葵藿

肅衣時拂五雲光

曙亭

沙廳永日靜無聲槐柳陰陰綠滿楹不待北牕風送善

湛然心迹玉壺清

北榭

登樓七十二峰羅皎月停輪浸絳河應識庾公清興遠

澄懷印徹洞庭波

月樓

載舟惟水喻斯民策策堂堂泳化真暫着米家書畫舫

藕花叢裏數游鱗魚艇

架壑青松望裏涼千釵新剪綠雲香隱囊團扇容消受

一任炎官火繖張松棚

琅玕千箇影難齊黃篔簹樓中任品題比似湖州文與可

不勞烟雨寫鵝溪竹閣

詩興由來在東閣每逢雪後轉多詩嫩寒春曉花千樹

更遣冷泠彈七絃梅軒

一院桐陰暑不來秋聲葉葉聽中閑會須岳頂招朱鳳

高蔭還看百尺培梧院

午日應陳體齋先生戲詠艾虎三首

詩教堂詩集卷四 三

如張樂府唱南山漢鏡歌十八曲中有艾如張虎變居然艾葉斑臺海

鯨魚變虎以蕭葛采餘初嘯谷蓬蒿離却卽當關怒同文別之

挾乙誰施灸虎威如乙字喜兆逢寅勝秉蒿逢寅義見昌黎文秉蒿是祓除

不聞說冰臺能向日及時牙爪不宜閒博物志

艾子從來詫似人本草艾有成人形者又午日有結艾人事於菟更復聳精

神猛如士載猶聞氣鄧艾字士載說郛中有徒聞艾氣語指鄧名也心翼牛哀

不厭陳牛哀化虎白澤有毫茸正淺艾茸字出本草碧芬無種翠偏

真騶虞與豹偶生分明菊葉披斜處莫認山君耳缺新碧芬獸見談薈

虎食人則耳有缺

五毒還將百毒攻蒲筵特峙負嵎雄文成七日寧藏霧

蓄未三年早嘯風雅許呼羣來度索五日有詎容非種桃葉虎

踞蠶叢

又有唯應比似天師髻

歲時記午日泥塑天師以艾爲髻

相顧
耿耿意正同

春磫先生六十壽

清華耆德冠蓬瀛
豐擁臯比重鼎城
霽月共瞻周茂叔
經神真接鄭康成
金閨綵服多延慶
玉筍珍材徧向榮
此日蘭臺開甲算
鶴南飛曲願頻賡

和四餘先生移居元韻四首

威鳳由來選樹巢
迴翔端爲愛東郊
釣遊咫尺成三徙
質劑分明信一拋
城中之居不果
手檢圖書香正遠
望連衡宇路相交
但教得拓吟詩地
摒擋何嫌歲迫梢

堂宇清嚴大士家
壁添竹石寫杈柯
一塵仍擬牽船岸

詩教堂詩集卷四 七

十載曾浮貫月槎
几欄喜宜增客坐
囊箱寧待借人車
宜春帖子新裁就
老筆從容咏歲華

澹懷軒與來鷗館
更有當年石客廬
摠以宦游貽迹遠
詎教歸老買山徐
琴書卽次安深穩
裙屐聯行問起居
舊誼新知咸擁坐
未容零落歎相於

多時風雪氣凌兢
燕寢清香冷亦勝
貂敝有裘猶咏絨
壺輕留滴不凝冰
地偏但樂農人話
機杜寧爭弋者矰
臘鼓已鳴春已屆
好期鳩杖日鸞騰
先生時方病足

新正八日有事西城因過翁吳野宅小飲卽事

八首

八穀歲華新淋漓
滯好春衝泥非獵
酒多雨恰留賓甕

擘霜螯脆盃拈綠蟻醇藉茲攀話久不厭酌頻頻
縱飲非年少春醒久未蘇主方空把瓊客自勸提壺情
以忘形薦生寧賦性迂坦懷相對處茗芋亦堪娛
咫尺城西路常年數會難各啜絲裏繭慙得語聞蘭攫
醒憐同調精神識古歡二三知己在誰似歲寒看
慷慨中年事昂藏早歲緣錙銖關定命殿最任時賢孰
與鈞陶迕何曾飲啄偏虛中姑布術不過識能先

時暢
談星

矯厲么弦響錚然劍亦鳴不知誰倡和感激旋相生意
逐浮雲變情因苦雨并寂然還勸酒心字本和平
丹穴桐花鳳冬郎句早裁權忻勞佐饌蹠躩勸深杯誼

詩教堂詩集卷四 古

雅紀羣次交論孔李來相期早騰踏慶酒我宜陪
我亦風塵客金昆各遠游衡雲將出岫桂海乍維舟雁
序方聯影鷓巢好爲謀還期真率會日對林邱
次公非酒客醒亦號狂生自顧拘迂性誰矜曠達名戶
寬緣坐久語率爲交誠歸後匡牀卧淙淙聽雨鳴

聞龍五介堂歿於京邸詩以哭之三首

福澤無如造物何功名偏見累人多五秋需次空傭筆

四庫館以五年滿議敘今
夏介堂可得以知縣選職

一旅成軍蹙撥科以拔貢中
庚子京闈

骨月竟因求仕捨山川猶是去時過蕭蕭易水寒風外
楚些誰堪聽咏哦

栗玉清冰雅操存一檠風雪照書門狂來稷契身曾許

佳處曹劉氣已吞負米莫酬黃髮慟

母壽八十有三貽經先慘

素冠魂

長子以去冬歿

僅餘行篋遺文在作者徒煩歎絕倫

狷性唯予硯少鄰雨瀟燈炮對君頻瘁同機杼精神喻

針到膏肓芥蒂泯書札壅通千里夢

庚子夏曾接信

文章何補

百年身從今解帶甘疎放不獨牙生感慨真

詩教堂詩集卷四 五

詩教堂詩集卷四

負米莫酬黃髮慟 孫淳發校字

詩教堂詩集卷五

武陵 王敬禧 孝承

南咳書屋詩鈔

題曹學博傳經圖

詒經原勝滿巖金石作書倉祖德深風雨一編稽古力
畱畚六籍義方心銅盤醜醇分珍饌玉樹菁葱起菘林
粉墨真堪傳盛事油然慈孝發長吟

盆中紅蓮初放次朱研翁白蓮元韻詠之二首

塗朱原未涉湖田淨植頻添盜面泉出水珊瑚初小立
倚風醜矣恰當前態呈仙掌廻身舞豔寫秋波轉眼禪
霧及好吟何遜句輕移金屋護清妍

詩教堂詩集卷五

一

盆水居然勝藕田娟娟麗影照清泉無多綠襯靈根外
一暈紅生翠蓋前香遠轉宜邀密坐色真時復覘逃禪
惟嫌近褻亭亭品初日銀塘讓妙妍

僑寓飛虎砦東院於湘春別墅荷亭納涼卽事

八首

無數雲山擁座隅好風面面與之俱咲予觸熱牽船住
道暑公然占一區
翻波翠蓋儘田田紅蓼依稀逗曉烟想得徵歌銷夏日
粉容時映畫簾邊

清簾踈簾寄翠窠水亭僅得壓涼波分明六七年閒事
檻折墻欹奈爾何

城隅元自隸湘春架構湖山結淨因瓜豆幾區薑幾稜
憑高仍得見天真

奇石知從故邱留

在明吉籓耶

叢篁蒙蔓作荒坵何當更別

雲根活一品平泉莫強求

聽鐘當日榜山房黥粉陳丹剝步廊胡不少留碑版字
後人猶認讀書堂

鴻爪何曾記雪泥偶從凋謝一叅稽唯應同作三生聽
樓角鐘聲接曙雞

憑衿處處本無嫌步履時時亦自淹却怪槐花黃又徧
亂蟬聲裏響書籤

以貢士錄癸卯科見遺二場日訪夏紫芝學博

詩教堂詩集卷五 二

留飲卽事

風塵雙鬢漸闌刪翻許今秋早放閒垂手本宜慚舞倦

伸眉何必詫緣慳

學使於遺卷中檢出本卷初入日特催覓送闌且有自咎之語雖不果入

亦足慰心桂堂逐隊場規潤頰壁飛觥拇陣屨亦欲科名付

兒輩曰歸穩看故園山

紫芝述及芷閭學博關切之雅賦此志謝四首

相見何濶略由來本素交齏聯談藝袂忽揲失禽爰于

我原無悶勞君賦解嘲卽今人告處深感久恹恹

不得事機確翻教絕往來慨慷胡太切榮悴詎能猜采

筆雄文陣華星戴斗魁好期高占坐知已也懷開

世法深時妙何難素位行正須無我相誰作不平鳴觀

物徵鷓鴣逢年識糯稔元龍有豪氣尚欲慰吾生
樂得咳蘭采深欣砌玉繁練細書是屋桃李樹爲門卽
此誇佳境真堪適等倫牀頭有良醞歸路願分尊

爲易芝田太史題八景冊八首

瀟湘夜雨

山水本清深客意與之永夜半梧竹鳴虛窗濕燈影

烟寺晚鐘

城郭多佛廬入暮梵音遞塵外偶會心聽到無聲際

山市晴嵐

包飯趨墟去曉翠輕衫涵不信山人家住近天蔚藍

漁村夕照

詩教堂詩集卷五 三

捕魚桃花谿谿淺不沒槩夕陽洞庭灣共曳欄杆網

平沙落雁

涼沙如砑綾渺渺水雲外旅鴈聯翩來可以謝機械

遠浦歸帆

亂帆乘風歸葉葉卸浦口不怪過湖遲費得巴陵酒

洞庭秋月

一片湘江月秋來澈底寒清輝本無異偏愛洞庭寬

江天暮雪

快絕江城雪心賞各自高還憐漁竿冷未若羔酒豪

題消夏圖二首

真是清虛小有天棟生雲氣石生泉年來道暑幾無地

畫裏句留亦灑然
除紅綵選譜多形觴政還裁酒孝經俱是炎天游戲事
看誰襍穢歎山局

夏生元成以尋父赴蜀嘉其意而閱其行詩以
送之

三十儒冠集蓼身行騰天末探根原古人每飲詩書恨
今日真昭父子恩萬點蜀山迷足跡幾翻雨雪凝啼痕
神明自遂牽衣願回首寒雲有倚門

東朱十亦垞借書八首

蓬山難預校書仙錦暉金題隔紫烟賴有畚經堂在望
古香堆裏許流連

詩教堂詩集卷五 四

研翁家世比蘭臺貽厥韓蘇壁壘開坐擁百城真勝業
好分膏馥到蒿萊

潦倒何心作蠹魚性靈銷耗眼光虛短書箴說仍留愛
慰我緇帑瞍睡餘

歲暮天寒事事催地爐楮袖撥殘灰但教乞得奇文至
百寶裝成避債臺

臨川稗海誦多函秘怪蜿蜒易送帆準備甕齏儲益粟
更容津逮積書巖

亦垞時以稗海借觀
且許津逮秘書續借

鬱葱華閣隔城闈奔走徵求不訝頻自是春明宋宣獻
何時儻宅作比隣

劇愛南朝崔慰祖親供假借日無難同袍垂老生涯在

卷卷還期結古歡

來往真宜副一甌借書例子舊曾知主人量貴子錢貴
聊遣酸寒到小詩

丙午臘底晤龍四星池始悉介堂在京歿後諸
事賦此志感

坐對東坡憶潁濱六年離合話初申薊門丹旆艱難引

石槲新銘宛轉詢時欲屬于手澤已知傳稚子靈光堪

信棟元神介堂將歿告星池云前行山西道中愛某處
神祠山水夢中時時到之今將以某處為歸

矣又介堂于除夕
夢元神告解云云友于至愛君真薦感戢寧徒骨肉人

丙午除夕

家具粗完作歲除靜思身世總何如艱難物力人多窘

詩教堂詩集卷五 五

潦倒生涯我較餘浦漱泉刀違雁序舍弟融昭在浦市
雖常歸里而歲底

必在外邇來
十八九年矣泥途雨雪隔松廬陰雨彌月母墓在香
塘竟不能親往送香

蘇聊醉團圞酒且俟春風聽卷舒

先府君畫尾恭志一律先府君西厓公積學好
古時復留心繪事不多

作亦不能存於家此幅乃製不愜意而輟
筆者禱于四十年後得于敝簾中雖泰山一

毫芒而高會矩獲足為子孫
世寶謹補印章而裝潢藏之

幼味趨庭識高深不易詮楹書湮歲月廚畫久雲烟手

澤叢殘得家風墨寶傳唯餘莪蔚意寂寂幾何年

題管有亭先生桂蘭貽慶圖小照

碧羅霽景澄天宇芬藍滿院秋香吐幽悰介石本蕭閒

游目芳園鎮容與連蜷桂樹蟠古柯清芬蘭蕝攢新窠

年培月澆良不淺玉蘂金粟何其多涼衫輕爽精神王
毫齡不事扶鳩杖眼界鮮新鼻觀馨華滋靜照頤高尚
先生本與陶令儔齒髮未變簪早抽韋經孟案得至樂
孫維繞膝含飴投新圖託致尤珍重桐花個個丹山鳳
老人樂意我能言郗詵片玉燕姑夢

幾生脩得到梅花擬作

清姿本毓大羅天凡骨何容易比肩根柢直從冰雪鍊
胚胎寧獨色香緣已魁春信忘因果未變瓊枝孰惜憐
夙性不迷培植篤花邊有鶴也成仙

送浦柳愚山長歸嘉善

擬向蓬山作勝游偶從騷國薏淹留福星自炯台階照

詩教堂詩集卷五 六

大中丞爲先生令叔時以省觀來楚

霽月偏涵鼎水幽筆下文章僵籍湜

小兒慎甸子婿白鳳玉俱荷莢陶

抱中經術本佳劉絳帷擁處栽培萬小草俱蒙藥籠收

鳳玉俱荷莢陶

講席名山遞有光浙西宗匠振孤芳雅懷避俗攜冰雪

汲古深宵擁縹緗賦手孫何談最確

詳沈作培萬箇中

文心劉

總話偏長句山葦浦風徽近迹作清芬又魏塘

先生近著賦語

書一

六十公孫漢大儒

熙朝晚達詡歸愚要憑志節佳時

出豈獨功名際遇殊匝歲楷模留盛席歸帆風雪汎重
湖東南佳訊頻申日著錄輝光到學徒

挽楊孝子

人生一本親母氏恩更勝方其永訣時真良自飛迸創
鉅而痛深詎暇恤身命傷哉楊子年竟與母同罄先聖
有遺經毀不貴滅性過情與忘情倫理固交病貍首詭
未闌豚蒸俗相競觀過斯知仁愀然發高詠

讀曝書亭集有感書後

文苑儒林無不可醉心史館七書存流觀千載樹高論
剪截百家歸正言藏事桐城青簡脩

明史成于乾隆四
年桐城張相國表

進托端淞水素心煩

表中言本王鴻緒
之史黨用爲初稿

須知大筆提綱

在有小長蘆早討論

入館當年五十臣崢嶸大雅各扶輪雜編列傳誰排纂
爭引前聞孰僞真忠厚宅心標旨遠創因緣事發凡新

詩教堂詩集卷五 七

親明史表傳表志所增
損俱本朱公所上書何庸兩廡籌叅坐史學精神百世

夫江草

新正十一日雪夜江干與及門諸甥姪兒輩言
別

雪華盈尺尚霏霏束火衝泥素侶依久蟄山川忘舊歷
遠遊心跡遇新機時有夫
夷之行辛盤戶競圍爐酒乙夜人牽
判襪衣懇懇贈言惟努力相期寒後富春暉

雪霽江行雜詩九首

清宵人說子猷船乘興何須似昔年一事差強看霽景
瑤林冰鏡蔚藍天

粉本江鄉愛雪晴
磬頭山矮樹林平
輕帆緩棹支頤對
身在倪黃畫裡行

無多界畫寫寒村
曲折陰陽露墨痕
獨有梅花開滿屋
壓枝仍認雪花翻

一角層樓趣自幽
憑闌若箇是詩流
不知指點扁舟客
擬是襄陽米芾不

年新素月明于舊
坐久茸裘冷倍常
天水混茫惟見雪
玉虛真境白毫光

囊溼難爲酒價饒
聽人歌鼓慶春宵
推篷不惜傾壺醉
清曠湖山好獨謠

九水由來合洞庭
三湘東滙勢無停
莫言窈窕舟尋壑
望裏居然巨浸形

秋賦頻年泛蠡湖
太清八月詠涵虛
誰知幾曲坳堂水
千斛舟行亦自如

滑笏沅流漲幾篙
清湘還擬換輕舸
春風千里夫夷路
矯首雲山疊登高

過沅江縣立春二首
郭小物華新江干
遇立春盤魚輕棄乙
盤菜恰嘗辛瓦

雪晴簷雨人烟曉
市塵放衙官舍靜
應共樂風淳
土銜晨炊罷鄉園
食尚遲發春喧爆
竹薦寢雪井絲稚

齒花幡樂寒荆
瓊粟思相期待
豐稔我寄喜晴詩

纔過新春卽上元舟經村店亦歡喧江鷗飛過暗相覷
解道先生早出門

阻風後河口有作

新春作南風陽開破冰溜誰言日夜來勢甚北風驟其
涼增凌兢其烈摧蓋覆而我一葉舟溢縮幾停留舟人
莫巧圖意欲與風鬪斜行舵掉尾折角帆曳筴欲傾過
二分再側不可救屏息聽其遭在勢亦難諾展轉力漸
疲風力固仍厚竭蹶赴河灣精神早同瘦計程得一舍
此時酒可侑懷安無進功履險防多咎要知百云爲孰
從安樂就終始以懼持艱虞解紕繆吾生固頻經詎敢
輕僂憊作詩紀天時鵲巢看新構

詩教堂詩集卷五 九

是夜舟中看燈卽事二首

南風久作石郵驕小樣魚龍慰寂寥便是春江花月夜
詎爲空度可憐宵

感均頑豔竹枝詞露重江寒入破時皎月如銀解相照
看人若箇是愁眉

泊湘鄉縣阻雪

湘灘多紆環斜風一帆急入夜泊碕岸凍蟲不離蟄澀
縮藕孔中風浪騁合沓霏霏勢轉增滿船洒玉粒布破
久生稜角枕半沾濕埋頭鄉夢多出手夜光接自晒鬢
已華轉復理行笈青氈暖幾何促裝竟長涉雲水遮蒞
蘆烟棹挂蓑笠炙火濁醪香呼羣願同入

宿朱涇上路枕上口號

風力未到水先驟雪子乘風如撒豆虛篷急作羯鼓鳴
孤衾旋滿水花繡我惟山靈無客禮雪逐輕舟落不已
山靈笑問客何來有利有名君所喜

新寧縣署同人出西郭訪摩訶嶺登放生閣春

望三首

選勝山城窄提封漢邑留為漢夫夷縣治嬉春逢霽日作客近

炎州塵市奇羸罕郊關舊蹟幽相將登陟去擬許豁雙

眸

嶺峙摩訶峻蓮潭水注長一城資砥柱萬古勒隄防山

骨當衝健波心漱影涼元公有遺蹟邑乘未能詳一統志載

詩教堂詩集卷五 十

蓮潭巖上萬古隄防四大字為周濂溪書今石刻宛然而縣志殊未悉

飛閣臨無地雲根出水濤烟霄連境迴桃李隔村親斜

幅披圖畫離塵契隱淪好將慈氏意靜裏證波臣

山厨四詠

貓頭廟春腴玉版悅禪味披腹呈琅玕何容雜蔬氣筍

芽似牡丹苗香勝簷蔔浮添茶及佐酒八千夸春秋椿

肖形擬雀拳徵名辨籠脚舉筋招夷齊清味試烹淪蕨

敢香得珍供朶朶靈山雲不詡芝五色惟愛籠兩裙菌

與夏生昆仲登凝秀閣

文明傑閣倚雲汀攬得夫夷甲秀形六曜光芒高戴斗

三峰蒼翠近依櫺地與文昌奎星二閣相連面連山路

接成林桂西南即桂林界入耳風流叶韻鈴佳日振衣推伯仲

相期綵筆共鏘銘

詠蘭向讀靖江鄭前村先生詠蘭詩有一錢看西施宜笑還宜泣之句閒中觸意聊以申

鮮飈振春榮草木各光被叢蘭幽谷中采芳偶然至遇者揚清芬綺石定磁寄檀几安帖安清泉斟酌漬豈謂同根花方供烏牯飢馨香渺差殊胡乃貴賤異求諸造物心彼亦不相記是固聽所遭世情旋軒輊翻於估計間與以一錢利得售卽爲恩西施任人戲三歎問國香何如郊牧地

穀雨日蓮潭書院漫成

詩教堂詩集卷五 十一

沾泥柳絮不飛絲漠漠春陰穀雨天排闥山青多佛髻映簾波白少漁船羈懷觸迕心誰寫鄉訊稀疏焚亦捐擁鼻微吟還獨笑不妨於此悟窮禪昔有以窮禪目周子者此地正以周

子得各後有閣奉其主

雨中

南方晴霽少積雨易如繩今舊稀來屐朝昏摠曲肱遮山雲懔懂吞岍水膏騰聞見唯憑此羈懷孰可勝

涉江坐白公廟

石束江流一葦宜渡頭葱鬱踞叢祠柏垂瓔珞霜皮翠松作之而古幹奇夜靜蛇龍浮畫壁天晴風雨護靈旗朝朝碣岸閒相對雙槳行來一詠詩

和夏松巖翁探春元韻卽送其歸中湘

仙翁乘興偶南征官閣谿山入望明
豐饒文淵懷壯志登臨康樂動遙情
花探雪徑銀鞍穩帆挂春波桂棹輕
歸宴孫曾益瀟洒扶陽重候御風行

李雲門逢盛少府招遊金城山由下寺至上寺

登眺各處得詩四章

扶陽福地指金城勝日同抒攬勝情
石骨新青延疊嶂松髯古翠隱流鶯
芙蓉傍聳千稜峻蘭若遙穿一點明
便欲振衣凌絕頂相將長嘯鳳凰坪

漢扶陽縣以今縣城山道書為第六十八福地東扶陽山得名金鳳凰坪又在天雲巷絕頂

高處還期歷百層盤旋曲徑上峻嶒
山披老霧千岩活

詩教堂詩集卷五 三

人擁罡風兩翼升雲物蒼梧通石脉
源流湘水會禪燈緬懷寂照慈光滿
叅證誰如古屋僧

在全州湘山寺此地在會駐錫自下寺至庵有九十六折壽佛真身

天雲山寺鎮高寒浩浩風霆上界寬
鐵瓦一龕常自靜乳泉千汲豈能乾
書長棋局敲龍洞春老杪羅覆古壇
試陟石梁筭羽客排空仙去亦無難

寺以鐵瓦釘之石深僅五寸千人不竭有石盤石子八有石巷空遠名九龍洞寺門有杪羅七八樹終古峭構鳳凰坪頂有一石東亘空中云昔石真人常坐此仙去

楚塞真登第一山曠懷奇致眇人寰
憑衿越嶠風烟近

挹袂浮邱指點閒偶語自應通帝座
下方先已鎖雲關

嵯巖猿鳥幽深境好待炎天更往還
上有摩崖古字刻楚南第一峯西南

可見桂林山嶺此山下寺已在高處矣特因登頂指爲龍耳

爲朱葆元

培儒

題關中周永侯畫冊五首

家住終南第一峯看雲時復倚高松應知客裏懷邱壑
寫得荆關筆意濃

山樹望雲

燭燄粧紅夜漏徐溫柔鄉裏讀何書風流道學誰兼領
色韻之間作蠹魚

麗人侍燭觀書

出林風勢勝奔濤勁草胡容擢穎高都是山君全力在
梭威寧獨認皮毛

虎

家山縹緲隔平蕪飛到珍禽嫵媚殊不待更煩窺柳眼
春風新染十眉圖

春柳畫眉

爬沙月窟卽稱仙何事蹒跚草石邊一自姮娥成道後

詩教堂詩集卷五 三

丹書八字揔徒然

蟾蜍

與及門輩過江至水頭口占

瀲灩春流曲折催延緣石徑入雲隈咲予道氣何曾有
尋得源頭活水來

鄧燮堂明府招賞紫牡丹四首

千葉重樓百態開洛陽三月鬪叢臺繁華誰爲求根質
請識花王本相來

一種分輝上紫袍詎從國色辨低高祇因魏氏標名後

百寶雕欄不易遭

花葉由來儷本根漫將單複問坤元神農上品資生貴
脂粉何勞驗捨痕

雨露琴堂植本濃賞春人至酒千鍾便堪歐碧姚黃配
金縷歌邊轉麗容

月夜江岸有作

小立得清曠窅然孤夜心灘聲靜烟際山影動江潄潔
與流波會幽宜斷岸臨亭亭一輪月相對識高深

題火筆畫冊四首

眞態誰憑活火呈
爇來鐵筆轉多情
爐中造化翻新樣
不待黃荃更寫生

儵爍金虵走陟釐
百端光怪等閒披
手中元是生花筆
紙上難尋却火錐

天巧由來代屢新
剪絨煨鐵鬪精神
誰知渲染分明處

詩教堂詩集卷五 古

更把金針度與人

紫芝寄示同張明府及諸寅好遊東山寺小憩

雙清亭前後詩索和遂次其韻二首

東山妮媼聳烟囊
上日仙鳧接跡攀
木杪亭臺原愛倚
毫端珠玉詎容刪
聯吟勝地苔岑合
挹爽羣峰紫翠環
好待葺成新架構
詩脾卽次署清班
時有重新雙清亭之議

儒官風雅卽賢勞
寄到香霏仲蔚蒿
倚席旅懷支倦客
摩箋清綺羨仙曹
六亭山近登臨暢
小海歌成興致高

願把詩筒時教我
蘋華蓮葉慰江臯

漢陽駱祥五夜話率爾有贈

夜雨燈胸話轉深
每從閱歷證存心
風塵多少高車客

得意場中未解尋

爲紫芝題桐陰課孫圖

尊甫湘巖翁照

韋相輕籬金杜氏重寶田孫謀有詒厥祖德開其先
惟湘巖翁中湘推耆賢懷瑾坐儒席摛漢飛雲烟
踏既厭抱經心益堅驅淵浴雙珠楓江紫芝最著也照乘光
璠璣東坡與穎濱賢良由老泉隱德耀鄉國課誦應寬便
須知慈父心燕翼絲孫元矧子服官政胡以娛暮年瑤
環及瑜珥一一羅几筵分甘顧之咲授句罔可愆高桐
滴晨露琅琅書語傳變彼玉雪耦歸然山斗邊是爲世
家學詎循文字緣陋彼無術者夥列杖屨前黠領或披
簿相對徒漠然鯁生隔湘水早耳宿學專洎得交次公

詩教堂詩集卷五 五

玉樹三株鮮彬彬振毛翰孰匪麟鳳肩思翁念坡句翁
今爲飛仙邂逅瞻道貌肅穆心神虔再拜述所知樹德
方永延

題孤鴈圖

紫芝之姑張節母遺照

哀鳴斷續鴈亡侶暫聞其聲已危苦人生胡乃同凋羽
孤雛育得年正青徹廬卹緯宵燈熒雛翅長成母齒零
婦貞最難惟苦節綽楔鏤書忍遺佚區揚彤管姑有淫
長夏同葆元秉之游北郭歷佛舍三四處卽事

二首

觸熱尋幽地延涼到上方路從高竹引風入古松長浩
浩耳根淨遲遲日脚忘何曾遠塵市宛爾在羲皇

俗樸人多靜精廬處幽無煩慮餅鉢隨勢占林邱白石坐嫌潤欹橋行若浮忘機且隨喜支許屬吾儔

讀南北史書後

李氏北南史本書固先北後南從俗稱南北耳昔人指其疵繙帙在今

夏頗能揚擢之八朝各紀載文字烟海迷不獨互貶斥

根葉交參差霸蹟有由始大半別本資膏粱及寒峻榮

瘁脩短岐或昧開厥先或悵後有遺苟非大力者叅訂

疲晨曦崇賢京王裔篡述承大師精心畢貫串駢拇歸

芟夷若網之在綱各各勞鉤稽頗嫌隋陳事早在魏宋

披是為世家錄不能不相隨餘力及叢瑣達者誠有嗤

當其苦搜採千卷史外釐序傳云正史外更勘雜史有一千餘卷皆以編入正

詩教堂詩集卷五 夫

書既未載掇拾惜其辭卷一百八十九允為千古垂因思

搶攘朝卓卓昭民燹人倫重忠孝歷代多瑰琦鷄鳴亮

風雨規矩高曾貽即如數文學琅邪何歲莖其外指幾

偁世系昭列眉是謂分部外盛事良在茲既準龍門體

乃歎作者心稗官胡可訾風簷沂原委百派生華池

題雲門照屏二首

超然仙尉領金城手版頭銜具勝情朝爽嵐光開縣郭

午晴花韻入簾旌政當樸俗鈞稽簡倚到屏風嘯咏清

餘事還宜憐玉雪丹山聽引鳳雛聲

天風吹我過南州誼契苔岑得勝儔勸飲不餘深盞底

餉珍時滿客牀頭素交劉峻寧同論入座車公亦躋遊
聚首未知他日樂屏山相對幾勾留

甲辰九日紫芝招同周蓮峰學博雲門少府及
彭君紫蓋令嗣邦芹攜樽至蓮潭書院同過江
登眺後回院暢飲時陳生漢章亦在坐得詩五

首卽以言別

九日夫夷客轟然逸興增行厨來桂櫂飛鳥得蘭朋巖
岫蕭晨敞烟霞學舍凝君曹有豪致使我亦騫騰
一葦剪江去唯輪陟巘身幽踪臨水石眞賞契松筠各
得高深趣無虛節物新還爲後來語登覽記斯辰
官閒宜作達地勝許移樽且暢老蒼興還兼英妙論飛

詩教堂詩集卷五 七

觥同授簡把菊未窺園意氣誰籠罩千秋俯仰存
拇陣當勅敵粗豪角細心破山雷偶快照膽鏡同臨波
卷爭銖釜盃深督滯淫應添重九事誰似此開襟
良會眞堪記他年作話傳客裝將拊揩朋酒鎮纏絲爪
雪鴻同踏翎雲鶴暫聯長吟相送後秋水夢娟娟

陳生漢章

人倅

次韻五首送別感其力學嗜古

而倦倦於余也作此荅之

歌驅得新句空谷足音生不獨親風雅還知厚性情地
興豪傑士家有孝恭聲經訓菑畬處中孚聽鶴鳴

歸舟將發倚裝題松巖翁夫江獨泛圖

廣顙而長身皓然鬚髮白相逢水石間疑是江海客湘

中甲族氣如雲翁坐高堂羅子孫偶然乘輿說孤往竹
林猶子供兼珍啣杯時堪發高韻點筆亦復寫神駿烟
郊梅花早有詩雪徑猶留馬蹄印爾時良覲關天緣歸
舟寄我青瑤箋方期老仙再相晤詎云跨鶴凌紫烟只
今生綃寫遺照介石孤舟閒倚棹想得鷗波渺莽間磊
塊胸襟抒肅傲嗚呼黃金能奪骨肉思何況悠悠行路
人翻手作雲覆手雨世事何必皆求真卽如此圖亦駢
拇墨滿宣毫且閣手

十九日在小蓬萊齋重別諸君

薄游彌契素交襟分手纒縣意不禁緣實自天方到此
情之與我一何深最多骨月聯真誼祇有文章結古心

詩教堂詩集卷五 六

醉後重辭辭後醉他年山水話知音

水涸不能入甕窰河放舟入湖轉泝沅水口占

刺促詩情一槩收郵籤千里幾稽留山谿每懼橫灘石

自夫水入資水由安化下澤國翻驚陸地舟甕窰水涸益陽所經大灘凡百數云縣名沅江而所經者唯資
舟澆水而行甚艱澀水順資江增遠道水與府城所過沅水渺不相涉
帆抽西港湖高流洞庭意外相尋處歸客寧教詠快

遊

男慎旬

詩教堂詩集卷五

孫淳發校字

詩教堂詩集卷六

武陵 王敬禧 孝承

南陔書屋詩鈔

坐小崢嶸亭卽事四首

翦茅重縛竹閒亭
箇箇琅玕倚檻青
只合支頤靜相對
涼風永日響泠泠

數拳瘦石意蕭閒
蒼翠生成屋裏山
道上紅塵江上浪
幾曾忘得此孱顏

共愛憑闌可釣魚
田田新種白芙蕖
待他菡萏香生處
淨展桃花好讀書

清境君能與我分
生來清福未如君
誰爲烏目山人筆

詩教堂詩集卷六

一

畫我其間坐日醺

贈朗江山長莊復齋先生

簪裾環揖列仙儒
通德門深著作儲
重蹟鳳池徵烏奕
專精魚簡獨涵濡
範金天冶隨材鑄
推轂公車接軫驅
弱息酸寒垂注切
插將羽翰看搏扶

師資豈獨友生同
獎借還分到阿蒙
道氣自伸山斗上
和光常襲齒牙中
久從涼閣觀棋局
也伴清池理釣筒
自是香山老居士
景賢容我畫屏風

送復齋薶遊星沙

輕帆一舸溯湘川
暫輟紗帷講話緣
弟子蘇湖殷教授
尚書沈范雅周旋
疏經自仰顏師古
志地兼資班孟堅

好倚南星瞻玉貌開尊香發早梅邊

爲文綱齋壽其尊人七律二首

湖州石室播清徽鼎水名家望更巍玉杖逍遙瞻道範
絳跗葱鬱慶春暉潔馨珍膳芝如掌藻蔚朝衫綵作衣
高跂天庭開叟宴壽祺應許普光輝

七十華齡引正長瓊筵金醴發醲薌人依杖履薰耆德
家本詩書啟世祥樂志仲生原著論詒經韋氏已揚光
會須榮錫絲綸寵湛露靈椿詠壽康

次韻莊復齋賀浦中丞平定句圃苗匪二首

羽檄纔飛獠膽寒指麾安戢事無難五溪久沐天波
濶三峒胡煩驛騎看小醜梗頑徒染鑽元戎迅邁早稱

詩教堂詩集卷六 二

干猶聞鳥道崎嶇處棨戟遲傳午後餐

碧油幕府駐穹山生熟苗猺撫馭閒銅鼓響傳祠竹節
蘆笙吹徹醉花蠻留心善後章頻上振旅宣威士早班
大筆更看詩詠洽應同凱樂奏烟囊

讀復奎撰浦公新脩花貓隄功記書後

經濟徵儒術文章本國華迴瀾形迹著保障作勞遐駭
浪衝城角狂濤點戟牙當時真迫蹙史筆寫無差

一綫堤防界支撐萬竈城建旣奔洚水澤國急蒼生春
鋪功何速山川奠自平旄倪安堵日誰不識精誠

猶憶親巡日浮天一葉舟兼程辭供頓觸險泝洪流羣
吏衝泥督宣防遶郭道至今歌樂利禾黍徧油油

入告期經久 恩頒四萬金 基增磐石固 惠志草茅深
湖岳春同被 台階福佇臨 豈惟詳水利 永叔更長吟

巳酉新正四日陳四芷間以詩招同劉七秋舫
及其侑夏生元成雅集絳跗樓卽事次元韻三

首

老懷不使歲華輕 折簡開尊起課程 新破天慳勞玉戲
喜逢梅笑引詩聲 冬早百餘日開春始 飛觥春潤逡巡

勸學卷名章 絡繹生

雨今早竟得降雪 時出張荷塘明府詩一巨束同觀

龍四星池捨不至亦以詩卷來

手腕雖疎還試筆 偏師竟欲敵長城

雪花飄瓦尚嫌輕 坐擁書樓一日程 文字話多忘酒態

竹松陰合助茶聲 道心夕惕功逾密 芷間商欲 世路年

詩教堂詩集卷六

三

深感不生正好憑 闌舒望眼萬家蒼 翠繞春城

郊關雪淺馬蹄輕 好爲公車計去程 萬資北上 威鳳正

騰南岳采遷鸞 新囀上林聲 風雲筮羽開先路 俊傑聯

鑣起後生

時令嗣伯來 仲玉皆預坐

把盞再遊星 聚里杏花春色滿

都城

正月十八日對雪偶成

北風驅雪如驅水 行子衝風去難已 泥深沒脛店尚遙

涕凍凝去聲 肩魂欲銷豈無八 騶擁鈴馱重茵未穩孤 裘

坐醉眠牕下 地爐紅畢竟 輪與多牛翁

芷間四兄新易其號曰惕齋且貽余句曰惕齋

珍重抵金城 戲用以爲韻賀而問之

履道本坦坦垂老胡轉暢將母親感深淵默防霹靂要
知此意佳涉足多乖厓未便觸世網何可忘心齋几戶
奚所察衾影奚所瞑惺惺有常顧念念以自珍於此立
名號是爲得尊重詩書發厥靈鬼神無與訟動靜交相
關瞬息不曾弛文理密察中無間隙可抵先生持此心
鑄銘同吉金少年頗快意五十還知箴但恐過用惕心
兵紛危城爲君暢其抱乾三占健行

次韻惕齋招看芍藥七首

闌遍吹花擘柳風酒觚輪手照玲瓏且拚婪尾春前醉
說着豐臺怕惱公

香國繁華孰主臣青皇九錫送娛賓落花過了揚花盛

詩教堂詩集卷六 四

錦障須教着意親

狂香逸艷繞瓶罍誰與花神獨目成認作紫雲真乞去
不愁將謔呈官評

遍地飄零榆莢錢老顛今亦到花前若教不醉徒拈筆
空供山陰九萬箋

醉倒何妨卧水隈苔痕錦石簇瓊瑰寶闌幾日團紅紫
能免餘霞散綺來

入座難辭酒力微天葩芬吐正霏霏直教輿從紛馳後
月下勾留緩緩歸

主人吟興愛家山水石登臨我未頑燒燭獨賡紅藥句
蒔荷刻竹可無關

已酉暮春龔檢討荻浦招陳學博惕齋及唐柳
二君遊迎恩禪舍得長句索和遂次其韻

玉堂仙人傾詞源雲藍投我詩數番宣心妙寫豁意象
佳日勝友知追攀城北七里礪水曲迎恩榮府留祇園
道傍鈴馱隔竹樹咫尺頓洗黃塵昏石幢幡影鎮幽閒
木魚梵響忘囂煩况聞禪人有詩意清句時近郊島寒
貯廊更復憩學子前唐喬後柳善堪盤桓先生偶然辭
紫垣故鄉山水欣晤言惕齋今之陳正字相將舊雨時
論文興來出郭攬襟襜釣游邱壑尋花村招提白足久
迎候慧語能領無邊春雖無燒豬款學士薶龍未免屠
其孫上人不俗自愛客儒釋議論空籬藩故交遇酒話

詩教堂詩集卷六 五

袞袞清地戀客風翻翻經龕彌勒笑相對茶烟爐篆同
氤氳甘季史成狀搜討柯亭劉井多塵根麓山監院亦
勞擾臯比都講隨肘跟至於齏鹽兩學究終年未見頭
巾掀大抵俱爲文字役均少快意傾芳樽隱顯其間百
千態雲夢胡以八九吞佛家門宇最廣大空諸所有精
微論超然此日愜勝賞形骸本色斯歸真咲子材質等
居楔半生徒爾勞穿穴猴入布袋蝨處禪河豚幸未嘗
肝血立名固較千駟長何若不生亦不滅蠟展悔未陪
雅游且俟消搖有良月明藩福地舊誰傳何可今無我
輩客

題戴萍村淒水遊草後

詩國由來數浙西汀風清製夙會稽

君叔祖農南先生
令龍陽有汀風閣

詩集何當卽事成新帙家學飈流宛與齊

城旦裁書舊學存老懷時復寄清尊應知澗水題襟處

披豁天真滿墨痕

黃金虛牝余情倦白雪陽春君興清趣好春三新霽日

雙柑斗酒聽鷓鴣聲

戴萍村以澗水倡和疊韻詩見示索和二首

淡成君子得深交詩卷琳琅詎忍拋往復匠心工織錦
寬閒官舍好安巢麋多不厭陽春曲道雅同占麗澤爻
從此澗江留勝迹珍題應徧竹林梢

碧紗書幌雜花交填委條章了卽拋畫閣琴清山共響

詩教堂詩集卷六 六

高齋松古鶴成巢唱酬適興諧金石變動隨時玩豕爻
早晚邵西舒嘯詠啖來竿蔗味逾梢

讀質田明府已酉分房和汪龍莊同年闈中十

詠卽用前韻跋後

仙吏秋闈契石交賡歌珠玉豈輕拋繭絲詳密增文律

鳳跡依稀憶舊巢朗鑒在懷神共點觀光有數易占爻

是科本以義經取士詠成顛末關情甚桃李生春滿樹梢

南陔書屋雨中卽事仍用前韻

鶯簧燕剪未曾交雨洗梨花柳絮拋苔蘚上堦惟著屐

蒲蘆鑽管欲營巢劇知春好是三月偶玩需辭非五爻

萍村雅集見笑我石田耕不輟踏青何日逐鞭梢

招不果赴

題張白齋明府松石圖小照

長松瘦石靜相關
姑射神人照玉顏
官閣簿書恒擾擾
片時方覺坐來閒

彈琴舊說蕭常侍
相賞還多理七絲
何似古風奇態外
超然心跡兩忘之

茂蹟聲蜚治譜高
風塵何得謝賢勞
好期霹靂紛拏次
清詠瑤編日幾遭

己酉仲冬望前讀惕齋獨尋耆閣寺詩憶曩時
同遊邇來二十餘年矣次韻和之

樹倚山亭石逕欹
蕭蕭黃葉獨吟詩
廿年彈指無嫌速
仍是僧雛掃地時

詩教堂詩集卷六 七

藜杖看雲秋復春
一谿雲影照鄰鄰
恍然回首前塵在
酌倡還憑我二人

送戴萍村遊黔中

沅曲曾牽上岸船
清風蘭雪洒吳天
古懷傾蓋酬金石
逸興題襟襲蕙荃
永我鄉思同雪水
仰君高望寄紅蓮
夜郎雲物供吟嘯
好待雙魚擘錦箋

莊復齋誕日惕齋以藏香副詩稱祝爰步其韻
壽之

烏斯藏遠隔滇僊
活佛出世性不蝕
蠻君蕃長慈力克
誕日百寶貢款施
琛奇瑰詭積堂闕
中有靈香發光色
醜斑迷迭摠差忒
西方名播阿難國
先生慧性本古德

海鶴時梳拂雲翼天骨卓立神秀特臯比座擁無欬側
模範允爲多士式初度忽聞壽樽逼歌詞共滴金壺墨
芬鬱豈獨嗅簷蔔詩客相傳口難默靈藏有香長不熄
以此經營忘日昃稱壽欲躋水晶域暢齋將意厯階城
微妙氤氳化千億壽域詩城同掩抑鯁生觀此千金直
儀物底須集南北繼聲侑酌意亦得語類不妨問添或
小登瀛亭雜詠

靈池淨淪漪虛亭繪明瑟客到皆仙才聊請試詩筆

一帶青垂柳線半篙綠漾瓜皮領取無邊風月官人覓
作漁師

珠海泚洋浸祝融牽船小比水晶宮炎天公暇凭闌處

詩教堂詩集卷六 八

鎮許探支八月風

何年星隕化爲石石泐金涵發靈液以此潭潭終古碧
作亭其上擬登瀛眇然便有江海情詎知列屋圍市城
達人曠觀無不可六月炎歊正炊火請從茶話臨池坐
蜻蛉兩槩隨波插紅藕花風吹白袷好將翠篠惹遊鱗
未便桃弓射花鴨小亭如笠壓涼波雅集宜斟金叵羅
城郭綠楊原仿佛不妨重唱冶春歌

鼎城此境絕少瀛洲具體而微岸幘正當花嶼釣絲不
待苔磯

會心作濠濮想適意與滄海同人間不少酷日此處殊
非暑風

良夜平鋪白月短舟輕壓蒼波唱得踏搖娘曲宛似摸
魚子歌

鄭融齋歸金谿詩以送之

三十年間接履紳雅懷高誼久逾親游探湖海攄籌策
心契苔岑邁等倫今昔自多時態異綢繆斯信素交眞
精堅古道同金石感戢寧徒後輩人
通德標門數舊家長源盱水漾金沙歸帆自適天倫樂
晚節還瞻福履遐對食伯鸞依玉案傳經雛鳳響桐花
逍遙重理湘沅櫂願望成行待水涯

瓶中海棠蘭花卽事

海棠嫵媚蘭旖旎濯魄冰磁浸寒水色香新奢化工胎
風韻眞超欲界美繁華人艷姚魏花瑤宮小影輸兒家
文房果得侍史在柔鄉奇福非淫邪

秋室次惕齋原韻

曠哉覆載內俯仰咸足怡人心有柴棘處處皆藩籬豐
屋一以葺何地適我宜陳君創秋室投我秋室詩蕭閒
識架構不待遊歷知叢芳耀時菊澹然栖託甲一室靜
晤言神動而天隨和聲無俗響自修勤剪茨圖書擁鄰
坐百城亦奚爲子雲果守寂投閣胡叅差獨仰蘇長公
風月隨堂基湖山與滄海靈妙惟心期况當家深巷瀟
灑安清時琅琅聽誦讀會心時引之佳兒抱鄰上績學
貽前規舊朋二三輩偶成漫興詞風格老自神肖毫任

意摘京廳雜刁調天籟和竹枝心遠地逾清詎惟秋氣
施室中菊花釀舍吾當飲誰

聞長洲褚筠心夫子寓星沙擬寄

素鞞遙教紫氣停文章重得覩華星久懷斗北分矍峻
乍喜沅南采芷經湖岳雲烟皆舊屬膠庠桃李被餘馨
依光同是堦前草溫訓當年獨備聆

元氣真能備四時吉暉元祿自隨之蓬山耆俊羣仙仰
黼座都俞 寵命知名貴永延文字福清華應晉鼎台
司祥琴鼓闕 恩綸賁未許徘徊住莫釐

賞識關心十五年每從平地看登仙襪襪虛說羊公鶴
潦倒惟存子敬瓊拄腹飢來難煮字名心耗却可逃禪

詩教堂詩集卷六 十

後堂縱許彭宣到慙沮春風絳帳前

庚戌新正十日餞送遵路大甥赴京 朝考兼

及甸兒會試并寄夏生萬資得七言古詩一章

秀俊造進周取士身言書判唐課吏兼其美者惟選科
國朝相沿本明制我 皇慎重意尤深西歲一行星匝

紀制改於乾隆六年矯矯學使昆明公清勤六載湖南寄人倫

鑿備文武材三榜鄉闈咸可計兩午戊申巳酉蔚然又

值大科逢處處搜羅均利器吾門採取多良緣郡校吾

甥首相界英華湖岳摠駢羅珠玉泥塗不遐棄四案所列

多出吾門而吾甥及夏生萬資與甸兒遂叨拔取甥也孤露早當門蘭幃奉母

能承意研經譚藝自礪多太阿出匣堪明試寒峻旣荷

國士知對敷宜謹明廷地六玉特達惟圭璋萬馬獨先
是騏驥富貴固期早致身功業要須先辨志顯親報國
事良多豈必狀頭夸及第外家弱弟夙肩隨際遇每見
同而異同案入泮名相應而分府縣學聯鑣北上鴈序
親六堂三塲各從事吾宗浙水固靈長稜植荆山頗蕉
萃賢書幸發經籍光屢質正叨行李庇先留京邸有吾
徒仲馭資材更勤肄藥籠均已屬之苓書帶昔曾共堦
砌音合六律本同元光貫五星聯一氣要在人能重科
目克副旁求始無媿吾雖老眼字能看好待金泥書登
至

送姚鼎南同文綱齋北上會試

詩教堂詩集卷六 上

先後呈材揔 聖恩文以巳亥姚以巳酉公車嘉會及
良辰十年磨劍鋒真利三月觀花眼倍新湖岳氣從黃
榜發壽昌光與紫垣鄰帶將兒輩同升處各有青雲好
致身

青陵別墅詩 并序

陳君惕齋學博有世業在西郊白馬湖上卽
會南豐歸老橋記所云青陵之田也君嘗考
得記中之柳侯乃筠州牧柳平字子儀而常
德郡志指爲柳拱辰者尚未有據今孟冬朔
邀同孫梅臯周雨林二先生遊賞其地且謀
作歸老橋亭以明舊迹山庄雅集風景清佳

同次頴濱寄題柳氏天真堂康樂樓元韻用志勝情

平生濟勝慙無具每遇湖山亦率真
村樹丹黃循徑曲渚禽游泳引情親
困廛樂歲寬幽境文字芳踪證昔人
趣好官閒同作達仲生著論正堪珍

若邪溪與雲門寺奚用名高說二何

大山何點小山何允喬木最

宜圍老屋先疇誰不事烟簃詩書稚齒修儀慙賓客停車結念多亦欲青陵尋小築釣遊何待更求他

柳氏當年留架構榭懸康樂又天真苦心苟未披文徧俗說誰從問字親詩屬頴濱新贈句序憑山谷舊傳人合將歸老南豐記勝地由來翰墨珍

詩教堂詩集卷六 三

訪得橋基知好古欲增亭子意如何
慙歸未便忘簪笏娛老將毋倚釣蓑
黍稷稅隨烏特辨滄洲盟共白鷗多
千秋抗想幽栖在湖月林風信靡他

孟冬旣望有懷遵路甥朝考後音信之作

賓鴈橫天遠作行薊門書札轉微茫
彙征久筮茅茹吉

慎速新傳棘院章

昨得邸報部疏請照鄉會試辦理嚴加覆試

楚實有材供

匠氏鼎徵吾愛發龍光還期日下騰聲速豈獨杼懷在

涓陽

辛亥正月十二夜步月

掃爭陰靈月近圓庭除徙倚意翛然
久經冰雪猶留東瞥睹烟花已判年
遇境願居安樂國養心真契太虛天

晶瑩咫尺靜相印一任鄰家噪管弦

季秋二十七日惕齋招同周雨林學博芷閨園
看菊卽事同次歐公手植菊花過節始開偶書
呈聖俞元韻

蓬逕菊少花雨牕睡忘曉招邀秋室來盡滿午晴好舊
詩哦歐陽情事道已早素心託雅集晚香滋象巧卽此
展重陽秀色擢秋稿主賓本詞伯幽襟契瑤草而我亦
有懷銜華每慚小劇談兼今古披卷匪尠少看花番讀書
菊笑應絕倒樽香泛霏霏枝影動裊裊酌酒六一翁何
須嘆秋老

辛亥重陽前一日偕外甥趙慎吟子婿白鳳玉

詩教堂詩集卷六 三

暨旬兒遊福光寺訪桂卽事有作四首

秋杪暑猶在願言幽境探樾香少涼吹菊蕊更深含艇
淺魚波濺畦紆燕尾參游人勞指引舊迹昧會諳

夢寐叅天樹重攀態亦殊幾經修月斧渾減蔽牛株金
粟枝高掇冰輪地半淪摩挲古柯在斜照自扶疎

花葉四垂至地中如綠天香國勢最宏敞今
既屋塞其前而下枝皆去落落不可攀矣

勝游懷老輩倏見一星周彼此枝同倚乎而韻重投雲

烟迷宰木尊筇記花籌英俊今相集還期好勸酬

舒民梅愛吾同日各邀訪桂朱研北先生及諸老輩偕
會研翁集同人分韻賦詩留而字韻使子補作入冊

芳樹感非昔佳遊特地來山阿遲采菊村店勝登臺香

意原無隱花期任遞開擬將一紀後策杖再追陪

對瓶中海棠有作 癸丑二月十七日

明艷居然研席陪紅繡蓓蕾亞枝堆春融焚雨滋瓊萼
光汎晴霞試綺裁欲睡豈嫌紅燭照微醺方覺玉顏開
病夫悒快還遊戲蹇認珊瑚侍史來

二十日夜對瓶花復作一首

紙閣冰磁簇嫩紅養花不藉綠章通幾層春暈嬌柔外
一點情移旖旎中鴻案隔年懷德耀香臺忽地見司空
但教解語何妨對別樹禮華任倚風

詩教堂詩集卷六 古



